

四庫全書

集部

欽定四庫全書

集部

御定歷代賦彙補遺卷一

詳校官檢討_臣劉所

主事銜_臣徐以坤覆勘

總校官編修_臣王燕緒

校對官主事_臣陳文樞

謄錄監生_臣莊瑩

欽定四庫全書

御定歷代賦彙補遺卷一

天象

日方升賦

明張位

上天之載陰陽相推一元樞紐萬象昭回杳旭卉而英
爽順晷度以往來彼晝夜之代謝若循環而迭催惟夫
歲宿澄霞登光露暉望舒既匿啓明向微雞咿喔而必
啼鐘閑隱而依稀魏闕漏聲已催嚮曉之箭金門曙色

甫辨入朝之衣於時晦昧盡斂靈蹕正東瑩瑩焱焱瞳
瞳矐矐緊運行而出震忽高懸以麗空望之儼然爰在
扶桑之上即之可愛乃由崑崙谷之中越彼海嶠升此層
霄金鳥呈魄白駒強趨離曜涵輝而未普羲和弭節而
方昭杲矣朝陽共覩三光之近旭然始旦奚誇一舍之
遙翕赫洵霍熠爍旁煌容光畢照奧屏咸彰驅浮雲而
散彩導黃道以相羊擬諸形容如銅槃之出積窺其景
耀若寶鏡之颺光連珠翕輟合璧靈瑩進進未已遲遲

上征挹如飴之湛露報御苑之新晴揚光熹微雖未極
萬方之照春和爛朗已先增三殿之明爾乃臨仙掌映
龍樓搖雉尾下螭頭祥光澹蕩瑞靄凝浮射綺疏而麗
萬戶浸瑤階而曛九旂黃屋騰輝暖氣聿飄乎武帳赤
城生白炎光漸徧於皇州況夫曉風披拂積霾清夷璇
空朗象淑景輕移炫堯天之化育壯漢官之威儀載馳
載驅嘗歎夸父之走或遠或近奚庸小兒之疑惟時后
牧就列夔高司晨傾葵麗采燦榆承輪覩溥天之杳瞭

仰明德之維新如日之升咸仰皇輿之大就之如日共
欽君表之仁善祥集景福同撫乾運憂日中納重輪之
上瑞謝豐蔀之頽風惜寸陰而四表咸格勤日昃而覆
盆畢融小臣作賦敢罄丹衷願與日以同久歷萬禩而
無窮

擬日方升賦

明張一桂

伊曜靈之霍爍兮奔騏而如驥神既號為鬱儀火復傳
於陽燧首三光而麗天兮散十輝而布地爰御之以六

螭兮振九域之鴻轡爾乃浴甘泉之波濤升陽谷之曠
曠徘徊女紀而棲鳥次兮徑離石之硤砢入細柳而戴
丹穴兮倚昆吾而凌閭風夫珠斗既沒繁星向晨清冷
之漏既徹蒼茫之色稍分殘月尚挂於樹杪朝霞掩映
乎紫宸觀光明之生東兮忽湧出乎朱輪天雞竦翼以
曉號兮八方應和靈鳥仰首而晝跋兮萬國煙煴出海
島兮浴秀飛天衢兮揚文浸濛汜之溶濫兮超三山之
嶙峋續啓明以融朗兮景宮堯而上臻浮皓質以閃躍

分萃彤彩之輪囷播熙熙之圓規兮流杲杲之祥露鮮
灝氣之蜿蜒兮洩長炬之炘炘上洪煌以布景兮下斐
亶而拂雲遵黃道而揚清旭兮焜高穹而接遠垠既炫
爛而旁燭兮清翳羃於囂塵四夷八蠻咸包羅於末照
兮千類萬品睟榮光而維新諦觀其始出也沖融青冥
鬱鬱蒼蒼將軼虛無乍見乍藏其少進也汗漫喻吞
昭昭彰彰將納六合發色競芒其方升也的皪歲蕤璘斑
房皇如蚪之停如鳳之翔艷艷奕奕煌煌輝達乎

五雲之表精炷乎重輪之傍色隱映兮若木影蔽虧兮
扶桑羲和之馭方弭節而容裔夸父之策已瞠乎其不
能望爛照燭兮天門啓遠燦朗兮星吐光既如白虹之
黝糾兮彩奪目以若驚又如巨蚌之初剖兮皎照夜之琅
琅豈蟾蜍之未歸兮懸金鏡於已曙何神電鉦以散色兮
煒煌煌其飄揚於斯之時地涯霧斂天宇煙清輕靄不
飛纖埃不生寥廓曠邈空色虛名澹初景之縹緲輾
碧漢而遙征含霽影而澄潤軼霞表而標晴發華譎

而不定若綺組之相成紛離披而晃煥疊陵亂而相嬰
設藻績於金輪蔚榮光於瑤京委照乎豐蔀之屋燦光
乎不夜之城遠近明媚表裏晶瑩玲瓏玄黃璀璨丹雘
黯湛呈祥蒼蔚效靈雖離朱之目今亦惝恍而喪精融
麗日之遲遲予敷五彩其相宣鬱若珥抱炳矣璧連金
枝分布玉葉爭妍發寶芝之鞞鞞夾高鳥之翩跹赫奕
奕於崇台動燦燿於長川媚韶陽於九陌鬱佳氣於三
天煥皇都而增煒對彤廷而有耀臨萬戶以皆春委千

門而洞照九城爛爛搖翠彩於層楹六宮迤邐又旁通
乎奧窔映彩綴於繡祀開宿陰於彤墀紅拂霞而增燦
白點雪而彌滋拱棟之朝雲共颺拂簷之夜霰已晞榮
虹互動若啓蟄於春光井蓮倒披共爭秀於朝暉照太
液之波而潛鯨已躍暖上林之樹而百花欲飛殊彩浮
於蟬蛸又錯落乎珠璣彼鳩鵲之觀金波煜其散影崑
崙之宮龍燭爛以交輝殆與此乎髣髴表休異於仙闌
考日初出之玄黃兮象君德之清明慶雲郁其蕭索兮

開斯世之太平靈貺之自天兮允乎答於楓宸祝皇圖
與聖壽兮長與日而俱新

擬日方升賦

明 田一僞

圓蓋垂象兩曜合明浮蟻順東西之軌踰鳥標陽德之
精稽方中則大塊揚其彩論既昃則虞淵潛其形是蓋
通明晦以為出入歷古今而無虧盈若夫銅龍將曙天
雞卒號見金波之乍沈知玉繩之盡曉晨熹靄靄徹天
光而俱浮陰氣霏霏逐雲根而並掃時則扶桑初拂若

木漸昇始矐矐其猶微旋駿黷而益增其煜煜也閃爍
乎出鈞之治不足方其照耀其遽進也矯健乎雄飛之
翮無以儼其騫騰射鳳池則太液動搖臨仙掌則金莖
靚飾魯邦童子兩訝車輪之形漢陰霸王獨怪萍實之
色千山不能逃萬形末由匿仰之皆見歎孔聖之莫踰
就之益親像堯仁之可即想夫陽浮紫極雲斂丹青傾
動葵心百辟捧誠而欲進照熠龍袞一人嚮離而臨朝
覩紅輪之忽起思黃虞之逸標亦有擊壤微氓蓬萊仙

子日出而嬉歌作息於人間水中以居映金銀於海裏
雖隱見之不同均無負於日晷昔聞角力咸池曾棄夸
父之杖酣戰齊野能迴魯陽之戈方士候中於既却屈
子弭節於羲和皆冉冉過中而將暮非杲杲筮出而同
科惟周德隆明時旭照而始熙暨虞帝中天日光華而
復旦堯典標寅賓之旨姬雅並月恒之讚羨明時之如
此夔萬世而未旰

擬日方升賦

明

韓世能

原夫一元既闢兩儀肇分秉陽精者惟日首法象而為
君普光輝以照懣熙和氣於氤氲懸離則景麗中天而
萬方正位出震則象升圓嶠而六合回春昭蘇仰育動
蟄胥明方夫嚴更始續清夜未央明星嘒其三五零露
沃其濃瀼天籟寂兮無聲大明隱其洪光宵衣待起丙
枕猶皇則萬方未覩夫清輝而元陽方轉於重壤也迨
夫天雞警於蟠木跋鳥躍兮扶桑金輪浴海赤曜騰荒
暘谷朝暾駕祥烟而初擁東方曙色開濛霧以方揚旭

日呈輝光照蓬萊之瓊闕曦光耀彩初浮日觀之仙梁
綵鳳含靈兮鳴於丹穴珠蟻畏逼兮伏於瑤潢爾其金
門閃爍貝闕瞳矐光射璇題皓祥輝之郁郁色臨仙掌
鬱佳氣之蔥蔥霓旌拂始暉之露金河流乍霽之虹三
殿暈飛曜初暉於雲表八碑花動移淑景於天中羲和
駕東征之轡夸父遲西逐之功光燭覆盆率土普天而
咸照暖生寒谷黃童白叟而俱融魑魅竄跡兮羣姦隱
伏龜龍游泳兮瑞靄瀰濛堯英始生兮既乘陽而方熾

舜雲復旦兮亦與天而無窮迺其照臨於四時也勾芒
屆節則發萌啓蟄者若恩輝之煥煜而物賴其初被祝
融司令則流金爍石者若嚴威之赫奕而人憚其豐隆
乘蓐收以示肅則秋陽可暴而凜烈以肅殺實收萬實
之成當玄冥以布和則冬日可愛而閉藏以蘇息方毓
一元之運故穹窿圓蓋渾淪方矩晷迅隙駒象推磨蟻
雖均造化之真精疇若大明之方起是以君子夙興靡
暇朝乾自惕仰首九天之上振途萬里之遙眇陽燧於

尺壁須功懋乎惜時矚義馭於丹青維志存乎捧日

秋日懸清光賦

明
唐文獻

有趨炎公子方弭蓋於廣原乍停驂於曲畛於是衆芳
歇槁葉殞對靈景之蕭森遡鳴颺以淒緊愴兮恍兮歎
無愁而不盡揚清大夫過而揖之曰先生其類宋玉之
愁乎且四時皆天之行而何悲此凜秋是未知炎炎者
易滅而隆隆者不可以久留請賦秋日令先生釋煩襟
洗塵眸焉若夫祝融解馭葦收司絕霜禽應令風篴協

節寒潭潦收淪池波滅槭高梧之森森萎芳蘭之茁茁
時維清旻載肅涼夜未央聆天雞兮咿喔起金鴉兮扶
桑既熒熒而閃閃亦韡韡而煌煌騁六螭之逸足散九
道之輪光奄昉昕而始旦眎陽暉乎垂芒寒商助其清
暉閭闔翼以高翔爾其蟬露乍晞鷹風未競柔祇若拭
圓靈似鏡睇九陌之無氛儼八埏乎朗映銅鉦挂兮崇
蓋明玉宇輝兮澄江淨既乃禪於午位宅是離宮掃涼
烟之曛莽占灝氣之玲瓏晃朗乎傾玉壺之萬壑熠燿

乎紛足練於長空既合璧以生潤亦抱珥而有融雖金
行肅殺乍回光於彫柳而奔駒迅疾猶委照於疎桐影
落霞天兮孤鶩聲流江瀨兮離鴻揮魯戈兮返舍候漢
瑞兮再中半規乍沒零曠不封靄西崑之餘映恍大地
其銀鎔於是庭飄沆瀣砌冷鳴蛩瞻皓月何纖纖借藻景
之曠曠繄澄暉乎宵畫維大明兮始終若其連觀蜿蜒
周除參嶂朱戶歲蕤丹楹爽塏驚隋粉於蓮房賸飄香
於蘭茝爾乃緣隙通輝乘虛炫彩雲屏非暗綺疏不

礙景謝玉虛光搖碧海縱點綴以微雲亦曜靈之無改
遂使菊圃散一叢之金桂苑霏千林之綠疇云其腴芳
菲若在亦有綠雲遍野黃茂登降多黍多稌甫田大田
斯箱擊穀恒負摩肩發御廩開百廩肅霜維時朗旭高
懸出農忙於胼胝滋我稼之穎堅歌堯日兮炯晃樂舜
畝兮有年若夫榆闕晝閑羽書不歇壯士荷戈將軍載
輶草枯胡騎驕露冷鳴笳發聽邊馬兮有歸心俄翔陽
兮挂清樾燦彼瑀弧耀茲玄鉞揚我師之景炎蕩遊氣

於窮髮指杲曜以長驅志忼慷而吞戎羯又有林泉曠
士嘉遯逸人偶塵圭綬終懷隱淪茲日兮何日幽蘭兮
可紉羨山川之映帶思故國之鱸尊爰尋荔服爰謝蒲
輪豈太清乎可滓庶比潔於秋旻於是又為歌曰秋容
淡兮秋宇寒秋日霽威兮清可餐安得繫之長繩兮永
盤桓趨炎子迺嗒然而喪懼然而服相與長嘯乎秋林
願永矢其弗告

驕陽賦

唐
闕名

維皇穹之造物何靈鑒之不昭寂然陰閉脩爾陽驕風
行天而啓象水干土而成妖山蛇則四翼呈歲日烏則
三足昇朝亭臯背春兮失色草木先秋而欲彫螢飛火
井蛙動陽颺嗟乎林之云滌山之方焦旱如何其農為
是恤雲祁祁而始布日杲杲而行出立嗇夫於丙丁命
小童於甲乙春雷無聞奮豫夜月罕當離畢阡陌之多
稌不滋堯湯之下人斯疾是則墳封孝婦東海之守非
才囚繫冤囹河南之尹未黜而明明我后罪已彤闈日

中而御菲食味爽而籠繡衣慨祥正兮無潤嗟土膏兮
遠晞冠華秉翟郡縣襲舞雩之祭務農嗇用山川申祝
鼎之祈出德號兮休力役鋪皇恩兮鑠帝暉於是驗靈
圖稽祕錄封朽腐宥冤獄損有餘補不足躬籍田以率
下遣皇華以問俗借如晉平老矣所好者音古樂侯文
侯之睡希聲惜師曠之心德不足而自撫災無何而是
侵赤地三年兮罕闕皇天一怒兮何深野無盈尺之潤
山無膚寸之陰至如周宣中興視人如子旱魃為虐於

藩服羣元輟耕於耒耜饑饉存臻悵焚未已畢崇奠醕
之設不絕郊宮之祀寧莫我聽憂心如圯及夫下邳內
史任在責誠鍾亢陽之有悔毒殲殪之無生乾坤不交
兮茲焉中否雷霆不動兮何時滿情求下哀於人瘼希
通鑒於神明爾其廣漢從事捫衷自省藻灑不時奚能
泣整地則水淪金穴天則全枯玉井走羣望而何階誓
中隅而有請是以孫武止矢誚梁君之射鳥臧文抗議
非魯國之焚巫齊阻饑而問孔鄭有事而咨屠彼炎亢

之為患信古來而有乎昔者商罪貫盈邢為不道周師
初克而年豐衛國致疑於請討矧獫狁兮叛渙伊將驕
兮師老方按甲而天誅未迴戈而彗掃行看郅支之亂
且見呼韓之保將覆油陰竚羞行潦是時也上方受釐
宣室訪議雲臺所以仰乾封之兆稱時運之災濁河清
兮龍馬出滄海晏兮鯨魚來山聲萬歲壇勢三陵式行
和鑒之節常希法駕之迴皇乎備矣侯不邁哉

織女賦

有序

明

何景明

余嘗觀謝朓王勃七夕賦皆組詞繪句務極妍華其意
不過侈二星靈光之會合述一時遊燕之勝靡於比諷
之義或缺也余病值七夕之夜感織女之事託意命詞
作為茲賦以附風人之旨而事之荒怪固不必有徵也
夫何天媛之淑嫺兮鎮獨處而寡儔維組綺以自飾兮
誠靈質之嗜修長夜徂以漫漫兮秉機杼而懷憂倚北
斗以延佇兮視天漢之橫流雖余衷之弗渝兮羌獨慕
夫好仇諒天路之豈遐兮顧欲渡而無舟迺秋序之甫

交兮氣淒悽而惻惻桂枝曄兮垂華白榆曜兮寒色啓
真卜於茲夕兮玄龜告余以吉日遡靈波以迅渡兮宛
東路而徂行鳳凰翼以翳車兮命烏鵲以築梁先朱鳥
以通媒兮導應龍以啓征錯璇璣之轆轤兮施縹緗之
雜章步列星之文履兮纓素霞以為裳被翠羽之翩反
兮雌蜺燭兮函光申雅觀於河濱兮敷悃款之衷腸舒
幼眇以綰結兮燕淫行而相羊湛歡樂而窮極兮虞見
妒於朝陽歎神采之易翕兮忽班駕而懷傷超兮西邁

兌兮故處慚報章之固答兮遺玉玦於漢浦睇往迹以
連遭兮神悵紆而不去發惟蓋之委蛇兮旗央央而與
與輪結軫而輶軻兮衣攬袂以躊躇順飄風以右翔兮
秋颯颯而零雨天寥迥以揚雲兮政余望夫河渚卷綃匹
之繽紛兮斂容輝於雲閨傳羅轆於綈襦兮居訖訖而
少依慮前矢之未誌兮恐來期之後時掇天葩之萎敷
兮襲芳蕤以自持承二曜之景爛兮飾五緯以修辭脩
辭兮何為願布兮貞心流波兮眇縣致余兮遐音目超

送分增鬱聊託之分漢南亂曰宛彼佳人阻銀潢分豈
無同仇誰與航分翹首天路寡修梁分憂心嫵妍厯七
襄分資質靚好蒙素裳分九秋茲夕懽未央分別促遽
希安可長分余思怨嬪實與併分局殿寥寥書淒清分
君不為徒御熒熒分瞻望深宮懷廣庭分單棲守誓感
斯靈分

碧雲賦

宋張耒

蹇臨高而延矚悵天邊之碧雲緬不知余何思情坐至

分續紛懷幽蘭之令姿方揚靈乎上春顧米者非其人
使暴露乎埃塵我有旨酒相與殷勤終閭莫致實勞我
神白日西馳去故就新發采舒光念當及晨

喜雨賦

明 張鳳翼

重光赤奮若之協洽月猶亢霜不雨當事者誠民索神
而雩之迺霽甘澍余因賦此以志喜曰肥蠶作沴旱魃
為殃載當溽暑乃肆驕陽噓燭龍而蒸世煬朱鳥以焚
荒赫赫爾金流爚氣蟲蟲乎火吐燿光赤地熬煎龜拆

三千之界土黃埃塊塤鮒悲百六之封疆民乃叩心於
昆明之鯨切齒於拘扶之鼠於是禱靈靈霑微柱礎祈屏
翳占少女咤石燕以求渰象泥牛而冀涸繫天公之降
鑒軫物彙之為焦爰命五雷誅駭霍露屠脩蟾蜍據畢
蜥蜴登垚向香轉轂李靖操杓挹三江以備霰汲九井
以迴燥其始也雲靉靄兮含靈風颭颭兮引霽電煜煜
兮方揚雷虺虺兮乍搗鳩攫搏兮驅羣蛇蜿蜒兮出湯
俄而霏霏霧擁滴瀝風搓初瀟瀟而霰霰欬傾注以霧

霓旂青蕉於深苑摧紫蓼於長河滯東山之征旆灑西
塞之漁蓑黯黯黔黔黯黯淡鏤嶙峋之色霏霏雷雷冥濛
增斂豔之波斯時也溝澮盈塍疇溥濫柳塘迷花塢蟻
封沒而垤鶴無聲馬鬣湮而商羊落羽減聽經研裏之
涓陋救蜀杯中之醪當羞焚臄之僖公可愧乾封之漢
武豈水廟以迎龍抑石潭而置虎行見潤灌千封沾濡
萬寶既禹甸以重蘇渥宋苗於既槁活中谷之修推起
平原之漬草野無卉而不萎吸無未而不祿水無瘴而

不清山無嵐而不掃炎融退舍以求容霓伯呈能而蹊
考山阻海滙同消雲漢之憂野老村氓共舞桑林之禱
則有頌膏澤以颺徽擬醴泉而志潤慶肥英於四山慰
焦枯於一陣故雖少盤其常亦不害乎陰陽之順若夫
解吳師於壞壘走秦戍於漁陽濕蕭王於道舍敗魏卒
於陳倉夫寧直係品彙之榮靡開落亦且闕國家之成
敗興亡至於捲簾高王勃之才折角蠡林宗之望隨車
彰百里之賢辨獄表真卿之亮總氤氲布護之玄機又

安可以一二而名狀故神女多情聿行於巫峽蛟龍有
意武備於池中雖陽鳥之微默感陰石之未潛通是以
仰弔伐於成湯者象之而親其澤美匡襄於傳說者比
之而大其功於維不淫以不霰庶幾霖霖世於無窮洵爾
余將偃芸窗以醉籍又何論乎麥之西東亂曰明昭上
帝回風愁兮吃霧鞭霆施霖愛兮潤物優游不破塊兮
睠彼疆場靡熯煔兮介我黍稷如茨梁兮穀我士女罔
愴惶兮畦棲晦被慶豐康兮聲壤歌衢樂堯唐兮

霜賦

明 錢文薦

吁嗟乎霜之為物稟陰而聚隨露而凝甫交納火先兆
堅冰亮金祇之轉轡知玉女之飛英星見房而始落鍾
應律以齊鳴封條紀夫平子殄類詠於淵明鷓鴣畏而
掩翳鷹隼擊而軒騰氣因風以倍肅光映月其增清何
茂叢之欲敗豈隕葉之能停君子履焉心惕婦女對之
功成至夫員嶠借以覆繭仙都煉以為藥崦州則滋味
獨甜廣延則紺碧相若斯皆衆目之未覩要亦凡胎所

難獲疑乍沾而神爽想久服而老却乃若瓊筵奏伎玉
手擎杯九枝燈閃百花帳開清歌曲折妙舞徘徊不知
夜往寧覺曉來忽移步以冉冉旋舉目而皚皚散郢中
之積雪吹江上之落梅進爵筭而無筭擁船裘其未迴
奈嚴色之獨早况漏聲之頻催於是茅店雞啼板橋馬
度白亘荒草素凝遙樹踏來有迹歸去無路恨疊關山
愁纏夢寤則有遠道之征夫與空閨之思婦聽蟲吟而
淚落瞻鴈影以魂赴將寄信其孰遣縱絨情而誰訴感

不絕夫慘悽憂豈忘乎寒江別有遭讒孽子受繫孤臣
荷衣敝裂葛屨逡巡援琴抱恨舉筆含辛顙冤不察顧
影無親嗟哉霜兮何彼對之而意曠此對之而眉顙必
衷情之有異詎物色之不均不然君試看夫天街之皓
月與上國之陽春寧隨地而愉暢且盡人而歡忻亂曰
青女司令濃霜結兮散為朝華比初雪兮意帶悽戾威
凜烈兮遂使草木咸摧折兮何況愁人心鮮悅兮安得
義御俾速滅兮

雪賦

明錢 茶

天發餘碧峰斂羣青烟深苔暝野入雲平乍因颼而迴
合忽排闥以飄零花明四照蕊綻千層竹腰頻折松蓋
如擎梅顙傳粉石骨凝冰清光千里鶴唳一聲屋壓琉
璃之瓦簾開雲母之屏九天無月而長白萬樹非紅而
皆春絲鱗鱗以吐瑞氣裊裊而爐熏輕瓊為鈿冷絮成
茵鴉寒掠背風靜翻雲惟寥空之一色聽愉瘁之平分
當夫紅爐煖雕閣香闌君寒妾擁妾臂君持鏡開十

靨笑冶一枝聽飛絮之高吟曾寒威之足欺亦有天街
步軟柳下藏舟忻驢背之甚穩恣冰壺以遨遊或泛山
陰之棹或登華外之樓冷香弱夢細細勾愁於是梁園
才子兔穎詩腸江誇瓊樹盧妒玉堂六出爭妍雙尖鬪
芳荀千秋之在茲雖掃徑其何傷及夫玄雲結陣赤暈
揮鞭貔貅氣湧鵝鴨聲喧將軍飲葡萄之酒壯士歌黃
竹之篇戈衣皜而生明光照甲而增鮮更有銀花垂榜
絳雪成田橘史輸塵葛郎乘船印惠可之跌而影留嵩

頂披王恭之氅而望類神仙維勝賞之足娛笑謝賦為
未妍若乃隴水寒塞馬嘶樵徑封鄰燭微蘆花汀裏忽聞
孤雁之鳴獨石山頭濕透木棉之衣泣寒砧而如雨釣
空江以無魚臥袁安於土室映孫康之敝書士衡戮而
華亭雪暗孝婦死而東海瑤飛襄陽枯骨灑人間之
黃玉海上孤臣飽撐腹之玻璃戍卒征衣皆鐵寒闔淚
滴為緋況乎嚴風曉別蒼雲暮同銀沙萬里古道蒙茸
雖天山之玉滿奚所寓而多窮爾乃放舟浦北覓句橋

東籬描緻影酒送微紅
愁飛舞蝶碎翦吳松
仰看何依之雀遙聞人外之鐘
於斯時也高士夢酣美人簪
敲獸炭光熒鵲研冰漸枝低
似醉波定如癡溪流暗瘦芳草
先肥肌同姑射瑞積瑤池快心
魄之如水歎造物之雄奇

靈雪賦

有序

明
王廷相

嘉靖己丑仲冬之月維我皇上念雪澤之未霑憫農事
之靡濟乃齊心淪慮省躬咎往既禋禱於南郊復申告

於西社望三白資於昊天俾九穀登於來稔已而靈雪
聿降彌日達夜殊為優渥之澤允矣泰稷之祥康歲可
期兆民允賴臣猥從班列恭覩休禎不揆蕪陋之辭用
贊明昭之貺其辭曰

惟我皇上以神聖而御世協化機於兩儀措羣生於太
和調陰陽而順之何玄冥以司令祕雪澤而靡施日終
風以吹沙望飛霰而無期曰天道之惠民胡戾氣之如
狂倘暎早以為災奚民食之可望帝引咎以自歸心惻

惻而靡康乃徹樂減膳避殿慘服罷工節財緩刑慮獄
心無往而不齊政無幽而不燭期實德以應天冀真宰
之降福於是敕儀臣議明禋諏吉日卜良辰躬南郊以
祈祝即右社而駿奔秉精誠以昭假幸明靈之居歆菴
煮蒿之可接或貯蠶之如聞及夫社豆方徹宮輿未駕
微霰俄集鵷班載灑聖容穆然自如百官默以歡詫信
天人之交孚速感應之非假既而雰雰蕤蕤拂拂瀟瀟
綴妍華於綺樹散騷屑於回飈影漾銅龍之樓光迷白

玉之橋入鳳閣以增嚴積平臺而助高竊三殿之精輝
璨六宮之瑤瑤聖人覽瑞以開顏詞臣揚美而揮毫由
是竟日連宵層飄疊委突矣數尺縞然千里懷山塞谷
迷遐掩邇下潤積而土膏陽氣固而春美蝗種斃以無
遺麴麥熟而可俟多稼滿望於甫田有年將書於信史
三農仰德而忭舞百工有賴而交喜是蓋聖東日躋之
敬天示神速之眷退熒惑者未之可及禱桑林者庶幾
同貫覽氣化之協調契天人之相贊綏靈雪以育民豈卿

雲之足羨於是皇上仰承神休拱荷天德不自滿假恒
存謙抑早朝晏罷宵衣旰食發倉庾賑糶瘠薄稅斂省
刑辟崇儉素禁麗飾勸男耕重女織親賢而遠佞清心
而祛慝嗜大仁以無尚久至誠而不息然後凝神沖穆
體道玄默達禮樂於海埏匹堯軒於古昔庶政和羣工
式年穀登天下懌坐明堂以受賀葆天眷於無極臣乃
稽首頓首為之歌曰國有凍餒兮胡黃竹之徒謳民非
其上兮何雪宮之獨遊我皇普至仁兮恒民隱之是

求感昊天之靈澤兮垂率育之洪休再歌曰皇心敬一
兮昭以格天皇德宣朗兮日月之懸皇勛維懋兮王道
平平皇圖永昌兮億萬斯年

逸句附

雲賦

晉
成公綏

於是元氣仰散歸雲四旋冰消瓦離奕奕翩翩去則滅
軌以無跡來則幽闇以杳冥舒則彌綸覆四海卷則消
液入無形或狎獵鱗次參差交錯上捷業以倚梁下壘

金定四庫全書
卷一
峴而相薄狀歲嵬其不安吁可畏而欲落或燦爛綺藻
若畫若規繁縟成文一續一離或繡文錦章依微要妙
綿邈凌虛輕翔浮漂

雪賦

晉
孫楚

豐隆灑雪交錯翻紛膏澤偃液普潤中田肅肅三麥實
獲豐年

雪賦

晉
李顯

何時雪之嘉澤亦應變而俱凝隨同雲而下降固霑渥

之所興

歲時

嘉陽春賦

元涂幾

春風吹波兮萬綠和柔寒暴盡去兮乍離衣裘耕夫在
田兮耒耜聿修河洲草豐兮牧犢來遊飛鳥上下兮亦
念其儔嘉此白日兮鳴聲栗留先生何為兮有志不酬
懷寶遜世兮以死誰尤憂吾之憂兮念夫人之捐瘠樂
吾之樂也見心德之周流

秋賦

唐虞世南

觀四時之代序對三秋之爽節雲既淨而天高潦將收
而水潔凝珠露之淒冷鏡青山之澗澈燕違幕而巢空
鴈驚羣而行絕於斯時也登綺閣臨飛觀開霧縠之疎
幌褰輕綃之碧幔映金波之皎潔明玉繩之燦爛看夜
鵲之繞枝望牽牛之隔漢蓮尚香於江浦草猶青於河

畔

秋興賦有序

明馮時可

昔安仁三十有二寓直散騎之省以秋興命篇余直赤
龍署差少安仁爰感時事輒念歸與聊嗣其響恐洛陽
道上見者不免擲瓦耳

嗟旅客之多懷兮雖陽和而若疾矧清秋之既屆兮其
何興而不盡於時祝融解綏籌收御勦夙苛捐惟微涼
薦衿萬山颯搖百籟徐引天地凝閉物色淒緊雲生隴
底桑疎薊門風起洞庭烟深湘沅嶺頽鮮而頊翠兮木
落英而辭繁露凝霜以皚皚兮水激波以潺潺堂別燕

而差池兮浦落鴻而翩翩日色游揚而逾皎兮天氣晃
朗而靡昏何晷度之漸促覺清夜之方永迅商鉞錚而
搏霄兮金波騰絢而流影輕蛾繞於蓮燭兮寒蛩鳴乎
露井遭托身於雲陞兮獲寓直於華省神宇微微天河
耿耿金鋪肅霜銅龍閉冷蚪箭響微魚鑰聲靜寒榮燦
發於銀缸星彩汎豔於軒屏惜飛光之超忽獨輾轉而
自省廁鴛鴦之末行兮依日月之餘景伎同北郭而知
濫兮俸優東方而竊偉感大鵬之逍遙兮何難助之足

恃覩巨溟之渤瀟，哂河伯之秋水。等軒冕於蜉蝣，分視
鐘鼎猶管集威鳳，不受夫羈絏。分神龍曷戀乎泥滓，乘秋
風以憶鱸。分忽拂衣以高厲，訪三禪於鷲嶺。分覓四皓
於洛溪，託蘭衷於昔賢。分追蘿尚於前史，延松陰於胡
牀。分捲筠浪於箱几，動以寥廓為居靜。以環堵為宇，無
貴無賤，無人無己。蓋寄跡於太虛而遊神於太始。

知秋賦有序

明祝允明

庚午六月丁未立秋，其夕頓涼不俟一葉感淮南之論。

稍為賦之

逝陰陽之德伏適傲余於茲歲伊壽后之堅方獨秉貞而不戾受帝命以握矩布金行於區內日耿耿以謝災風蕭蕭而助氣侍隸逸而卻扇閨媛戒於紉綴聊閉關以偃息觀燒炬之可憇意青蠅之暫遠悅玄蟬之餘嘒雖序令其靡爽迺興悲而起噴信孳斂兮致刑將達仁兮肅義劉百生以一樓易榮華而彫瘁匪皇穹兮好殘繫舒慘其相倚始為露以作霜睇堅冰之必至感茲秋

之既知豈曰童心之傷逝

中秋賞月賦

明

黃仲昭

繫八月之既望適三秋之方半西風颯其淒清落葉紛
其凌亂蟬嘒嘒以吟寒鴈飄飄而橫漢砧杵急於風前
絡緯悲於階畔天晃朗以彌高歲荏苒而將晏悵芳時
之易徂感中心之浩歎於是乎招瀛洲之仙客載崑崙
之霞尊席芳葍臨華軒放懷歌詠寄興乾坤於以滌煩
襟之怫鬱於以盪靈臺之輪囷斯時也萬籟寂然而無

聲層漢湛乎而澄碧微雲盡斂爽氣可挹酌流霞於杯中候明月於林隙少焉素娥升於滄海冰輪展乎太虛流清輝於觀闕揚浩彩於階除影落御溝一派金波蕩漾光涵大地萬頃素練平鋪宇宙幻玻瓈之鏡身世寄冰玉之壺長河韜映列宿掩綳丹桂之影森然玄兔之魄瑩若廣庭水淨連甍霜潔階前之皓鶴奪鮮林外之白鷗失色景物極變態之百端詞翰莫形容其萬一衆客乃清談蠶起玉壺鯨吸豪氣凌九霄襟懷隘八極飄

飄乎如子晉乘鸞羽化蒼茫之表浩浩乎如列子御風
蟬蛻氛埃之域袁宏之泛渚不足形容庾亮之登樓未
能彷彿既而賓主傾倒尊俎狼籍明月方中逸興轉劇
客有歌之曰懸玉鏡兮中天散清光兮萬里酌桂醕兮
舒余懷覺塵埃兮淨如洗餘興未已明月漸沈青山轉
影綠樹移陰客又有歌之曰挽冰輪兮駐天末伴芳尊
兮慰余心清光從此兮一去塵埃依舊兮滿襟歌闋衆
客顧謂余曰人之生也棲輕塵於弱草寄浮漚於滄溟

百感撓其心萬事累其形歡愉無幾憂戚相仍故右軍
蘭亭之會必形之於翰墨東坡赤壁之遊必播之於聲
音也然而不過放曠於山林之內傲睨於泉石之濱而
已今吾與子遭聖明之時值隆平之世幸聚會於輦轂
之下得從容於琴尊之際挾清飈以飛仙弄明月以適
意蓋有蘭亭之所不能兼赤壁之所不能致者矣獨悲
夫聚散靡常勝會難得今夕幸同几席之懽來歲寧無
參商之隔乎子宜播之賦詠傳之來日庶幾後之視今

亦猶今之視昔也於是乎乃拂剡紙滌端石命毛穎灑
子墨構思方成餘景已畢

逸句

附

感春賦

宋

劉義恭

聽時禽之弄音信闐闐以嚶嚶悲陽鴻之赴朔憐春燕
之入楹天踈暖而流雲日陰翳而淪精風淑穆而吹蘭
雨濛濛而洗莖草承澤而擢秀花順氣而飛馨

春賦

齊

蕭慤

落花無限數飛鳥排花度禁苑至饒風吹花春滿路巖
前片石迴如樓水裏連沙聚作洲二月鶯聲纔欲斷三
月春風已復流分流繞小渡整水還相注山頭望水雲
水底看山樹無餘香尚在歌盡聲猶住麥隴一驚顰
潭雨飛鷺

春賦

梁元帝

洛陽小花之西長安大道之東苔染池而盡綠桃含山
而併紅露濡枝而重葉網繁花而曳風

秋興賦

晉曹毗

素秋始啓清風激暑葉零玉階柯委勁楚離禽嚶嚶而
晨鳴輕帷翩翩以微舉夕露頽潤於蘭庭秋蟲屬響乎
廊宇

悲四時賦

晉李頤

悲炎節之赫義覽祝融之御轡遊并耀兮南離晞辰凱
之長吹蔭綠柳之揚枝雲鬱律以泉涌雨淋漓而方篲
奮駭霆之奔磕舒驚電之橫擣

地理

太華賦

有序

明

王祖嫡

往有胡僧徧遊海外歷閱區中暨過太華膜拜咀贊久而不去以為名山之勝高此者廣此者幽此者修此者深而邃者險而怪者多矣若夫四面神削一雷鬼鑿幻晴空之芙蓉雄天都之矩堞雖在塵寰實標仙府未有茲山之儼者也余夙櫻疾疾雅慕沖虛猥以使節之暇獲恣探討宿最高之危峰窮無盡之大界未嘗不慨然

自失疑蕉鹿柯蟻非真境也及瞑目遐思又復歷歷知
非夢游輒作賦一首私紀其蹟嗚呼斯地斯攬亘古大
觀即長卿神化子雲玄奇殫楮腐毫亦莫能狀矧寡陋
蕪俚如余者寧不溷太顓之純素資文士之軒渠乎雖
然昔賢所賦侈張靡麗實以辭掩余則局促模擬如惡
書臨搨庸繪肖貌彷彿其似而已金天正直庶幾免綺
語之僣言云爾

繫穹窿之宗顯迫磅礴之圯垓剖洪濛而亡垠別分野

而應象眷西顧以誕載視上公而輔相灝素凝結位寘
兌方天漢下傾星宿濫觴滿渤汎涌浩浩湯湯壅關泝
洄潰溢孰防馮夷懷警馳訴帝傍爰命巨靈東劈首陽
屨屨崛崎靡緣特峙截薛峻增去天而咫尺列丹嶂之危
垣聳玄霄之堅壘五岳居首三條處中四面成削一線
僅通竄凌空之冰梯駕憑虛之彩虹心屢回而惛惛目
幾眩而朦朦維決吻攀注雷奔簪井窺天竇躡霧穿
雲依巖傍岫狀引壁之蝸牛肖登木之鼯鼯撞窮峽既

仄徑孤懸闊不盈尺修迺竟汗若鼻鼻物如耳屬垣面
簇彌高之絕巘趾臨不測之深淵鳥戢羽而畏奮猿斂臂
而不前重足次且側身于纒撓去幘縫偏束袈蹈滑
苔而重繭捫嵐坎而痺瘕犂溝崕岒車箱踏蹙砒已盡
而忽連括將夷而猶屬公峻脊兮蒼龍迴健翮兮冥鴻
度赤城之石橋跨碧落之僊竦嵒嶙盤紆巒岿巖岵鼓
調調之天籟御泠泠之罡風弄珠簾之濺瀑把玉井之
芙蓉顛瀾松檜崖躋日月掌擧凝膏盆池澄碧丹竈未

燿瓊漿尚漂照霞洞之滴乳踐雲輶之新轍現叔卿於
杪樹醒圖南於鑿穴發清嘯於幽篁度流鈴於穠樾隆
崇聳萃厥唯南峰隱蔽光互呼吸天通縱覽塵界蒼蒼
濛濛宇宙不盡心目未窮荆岷岐梁峭澗漢隴聚兮培
塿散兮蟻蟻嘒陵谷之變遷終峰巒之揖拱炆炆暍暍
熠熠煌煌歛翻銀濤倏射金光电掣莫竟蛇行靡常蜿
蜒逶迤何物爾長緬黃河與清渭麗晴旭而波揚錯愕
疑夢駭忤欲狂遡十洲之曠邈隘六合而翱翔至若東

睇扶桑西晚昧谷海沸金烏啞回玉兔擅大觀而鮮儔
殫羣山而稱獨時乎鸞旌鶴馭金支翠旗異香馥郁靈
光陸離青童前導玉女後隨纖嫋窈窕婉孌旖旎昇巖
遵麓往往見之遙瞻禮而傾矚兮林闕靜而撼撼羌低
徊而於邑兮哀鬱陶而覲覲美恬澹而寡營兮抱一以
嗇契冥筌而脩舉兮守默以適覲弱水之淼茫兮疇濟
慈舶覲閬苑之寥廓兮孰錫琅冊予將來瑤石之九節
兮和以漢澤茹丹丘之三秀兮餐以璚液伐五粒之巨

松兮俯拾琥珀髓長春之石室兮橫吹玉笛碧雲漸合
兮遼空暝色美人延佇兮搖搖心惻於是歌竹几掩柴
扃煮白石餌黃精牖隙暉晃非燐非螢乍遠乍近忽滅
忽榮穿叢薄而無景度銳嶠而有聲峽口吐月冷浸玉
京雖踰望之漸虧顧澄宇之倍明三峰鼎立萬仞屹滢
羊角直上天柱高擎儼兕登之大將凜鬣鬚之神兵迅
兮若搏側兮若崩蒸雲滃翳瞥失厥形千崖怒號衆壑
哀鳴沃漭岑寂怔忡靡寧獨爇松火朗誦黃庭瑤璫步

虛若有人聽倦而假寐曙色已吟悄然而思肅然而返
拂讀殘碑披讐遺簡百千萬劫永填鬼我七十二君俱
杼望款致雨興雲儲禎祛沴德膺封秩功崇祀典諒少
昊之下都亶奪收之別館詎堪宇之澳區實鍾毓之流
衍惡麗則之萎索負幽悶之探簞既黯黯以傷別又眇
眇而增慙倘遊岱之無期副明山而未晚亂曰嶢嶢太華
埒崑崙兮魄魄峻嶽駐軒轅兮二曜迭運為朝昏兮萬
象咸羅肆吐吞兮逝哉鰲極奠乾坤兮叢爾蟻垤列兕

金史卷一百一十五
卷一
孫分九關有路達天門兮八翼因折叩帝閭兮援余之
手標掌痕兮晞余之髮出沐盆兮啜飲沆瀣滌囂煩兮
戲擊菡萏挹芬麝兮調笑巧譔顧鬟嫵兮相與目成獨
無言兮緣茲一念復沈淪兮矢潔好脩誓偕佳兮再尋
白帝問真源兮葆我靈灝水弗諼兮

太岳太和山賦

明 楊 琚

惟太岳之為山兮形肇奠於鴻荒迺渾淪而磅礴兮鍾
秀氣於玄黃顧發源於嶠冢兮擁翠浪於武當肆連峰

而接岫兮復積嶺而重岡峙漢水之南隅兮跨均房之
兩疆控翼軫之分野兮應列宿於上蒼羌迴旋乎地軸
兮扼天關於古襄衍脈絡於荆山兮析支派於內方七
十有二峰根盤八百里崔嵬巒岼峒堯列施厥殿如對
森列如竢若迴而馳似行而止若豁而劄似立而跂或
俯焉而復昂或仰焉而崛起或蜿蜒兮如龍如蛇或蹲
踞兮如虎如兕或尖銳兮如筆如鋒或正直兮如屏如
几若乃三十六巖之幽虛二十四澗之迤邐五臺五井之

悠悠三泉二潭之瀰瀰厥石則有金星銀星厥產則有
地髓石髓堯韭禹糧雜沓而並美秦檜漢柏偃蹇而長
清木實則有桴楸杪檣棉機棧栲栳樣楸櫻野萩則有
茵萸笋蘆薯菜蕨葵蘊菽蒟菁以至迷窮草交讓木靈
壽杖石磴心櫨梅赭料巖乳騫英天花雲林芳芷徽蘅
枝柑房李鄧橘裹橙無一不有雖茅亦馨萬年松千歲
艾九仙子天南星白何首烏紫花地丁苦參百合甘菊
黃精采之可以療諸疾服之可以制頽齡又有石如火

飲之紅樹如龍爪之倪飛泉滴溜漱乎瓊瑤松風響籟
鳴於遠邇四季常見靈鴉雙雙繞林垆五更或聞天雞
喔喔號雲岵白鵬錦雉同飲啄夫巖頭神虎仙廩迭巡
行乎山趾紫芝瑞世百千其名珍禽怪獸不可殫紀又
如龍宮雷洞深窅虛明風穴星牖沈寥呀哆表以禹跡
步雲之橋帶以太一天池之水日出則嵐飛靄收蒼翠
滿前月明則鶴唳猿號清幽無比兼有洞天福地之靚
深孰謂蓬萊方丈之不在是也有若大頂之峰端然正

位處乎其中吾不知其幾千萬仞但見形威峻極與天而為桂氣象巍峨杖地而撐空其高無並其旁靡從匪衡匪岱匪華匪嵩既非賢閭之可擬亦非恒霍之可同前有五老後有五龍右有措笏九卿左有手扒三公東有始老展旗兀渡金鎖西有隱仙疊字千丈雞籠北有皇崖顯定貪狼獅子南有仙人隱士伏魔降龍又有聚雲香爐大名蠟燭大蓮小蓮文曲武曲天馬玉筍之重重丹皂龍門之真顛真顛千巒萬嶂各獻幽奇四面羣峰

互相倚伏乃獨孕秀莫居盱眙駭目上接青雲下臨深
谷其視衆山之周遭迴繞拱向環簇有如王者之臨諸
侯大宗之俯族屬乃五岳之長兄四鎮之伯叔遠若蒼
梧之九疑巫山十二峰並呼其家督遂則赤龍寶砲橫
黃方界皆目為其幹僕此我皇明所以表章謂之大岳
太和而咸五為六也邪是宜玉臺高疊石檻玲瓏闕以
門闕繚以垣墉金殿之據乎其上海棟宇之穹隆天帝
之宅乎其內躡龜蛇之玄蹤捧劔兮玉女執旗兮青童

侍從兮靈官導引兮先鋒照日月兮層構映上下兮天
宮耀金光兮燦爛洞遐矚兮昭融飛複檻兮霄際縹雲
靈兮瞳矐信列仙之所棲豈塵俗兮可容外有天門三
重雲梯萬級自卑視高曼延壁立挂懸空之霽虹逼霄
漢於咫尺歷參井之鈎連詎跬步之可即躋欲半而悸
驚馮心危欄而上陟慨登望之多艱夢徒兆於生翼及夫
天門之外則隨山通道跨澗架梯翦除榛莽辨域定規
或聳琳宮而開寶殿或興古廟而建神祠或啟珠龕於巖

畔或創桂觀於山碑築石室以藏仙服峨彩亭以貯御
碑彌東南而亘西北彷徨闔而廣芬楮雕牆橫截乎山
谷仙廬盤鬱乎坤維熾丹牖於林杪鳴鐘鼓於屈屨境
之最勝者無如紫霄峰之至高者莫踰天柱南巖五龍
兮幽雅瑰奇玉虛淨樂兮輪奐規矩清微真慶兮非不
霄崢遇真朝天兮俱號紫府似茲宮觀兮三十六所其
餘庭院兮更僕莫數丹房石室兮雖寒不寒雪窩涼亭
兮當暑不暑甚至萬松一泓各有軒亭鉢堂方丈亦為

峻宇隘四衝而騰八達張千門而啓萬戶宗太岳而朝
玄穹翼太和而壯今古人皆疑其天造而地設或出於
幽贊而陰輔不然何以楹柱林林梁棟楚楚而有此廓
度宏模福區玄圃壯神仙之窟宅儼人世之瞻覩吾想
夫永樂之初內難既彝四海寧謐民物熙熙是以奉委
之臣以謂聖君有作我儀圖之敢不盡瘁忘疲董督指
揮朝斯而夕斯由是智者售技而無所隱壯者效力而
不敢欺雖山林谿谷亦不愛其材孰謂我朝長府之積

皆在所供億而其用不貲又况工咸哭竄匠踰輪倭萬指
揮斤而呵氣為霧六軍荷鍤而瞬息為墟庶民子來
若有神司經之營之條爾成之於以答景貺而廣孝思
於以奉明祀而祝丕釐神必徘徊容與於茲康濟邦國
福祉黔黎以陰祐我皇上聖子神孫集慶禧而撫有太
平萬萬載洪基賦已復撮其要為頌辭曰倬矣太岳摩
青蒼兮背漢面漳鎮一方兮奕奕宮殿闌山岡兮天帝
莅止周相佯兮氛沴斯靖時雨暘兮慶祚靈長神化

彰兮我皇崇祀佑八荒兮玉質金相昭寵光兮四裔來
王徵休祥兮海宇乂安垂衣裳兮本支繩螭世萬其昌
兮俾臣之後嗣亦如諸峰之拱岳永篤為忠良兮

九華山賦

明章棟

四可書生性嗜山水三登化城兩遊九子枉踐佳境靜
思可恥俗緣猶在塵心未洗山靈笑我徒生於此而長
於此墨工槩人高才雅士披圖慕名望峰獻句徒得其
槩未詳其微赤髭白足樵夫牧豎坐臥朝昏遊移遠邇

或三為羣或四為侶遇險不懼逢幽不喜禱雨祈晴如
斯而已嗚呼自有乾坤便有此山其曰九子取其若弟
兄之班史遷南遊略而不錄唐李謫仙加以九華之目
素絲改色璞玉發藏何否於漢而泰於唐諒尤物之不
終祕迄於今而名逾彰東迓宣歙西控長江上摩青蒼
以崦嵫下壓后土之鴻龐孰刊刻兮渠者琮璜孰陶鑄
兮廣輪無疆孰比鄰兮衡廬茅蔣孰主客兮岱霍嵩恒
爰有鳥兮曰克丁當爰有草兮莎羅鉢囊龜年莫辨神

農未嘗關難有石搗藥有方遊仙有跡去賢有堂冠鄉
名高荀鶴名芳布坦學幻清隱言龐季文高尚葛翁荒
唐白龜現瑞丹鳳呈祥浮桃可以致富仙燭可以秉光
龍泉可以沾丐蟾土可以充腸鳴鼓吹於萬壑響雲韶
於叢筍禽言漏梅蘇之集多識缺風雅之章乃若所謂
天河挂綠水秀出九芙蓉方將愛其清絕層標過遲日
半壁明朝霞則又駭其奮迅也積雪曜陰壑飛流歎陽
厓方將歎其含蓄鴻驚曉霜淨花明初雨收則又賞其

閒曠也其中幽境客難到方將訝其靜定神母遙遙將
九子則又驚其活動也排空峭石生玄笋落日奇峰挂
赤霞此山間之朝暮也峰巒列峙神仙境界子母相依孝
義山此山間之今古也嗚呼千變之形無極萬殊之象
不同衆皴諸或不能盡冢筆更僕不可終欲升高而舍
其下等借道而敏於矇母效潘孟陽母為阮嗣宗申伯
神嶽孺子靈洪三蘇顯眉叔易愧嵩家隨司馬谷隨愚
公指終南而鄙盧子語瑯琊而仰醉翁北山迴俗士之

駕南陽卧人中之龍或地靈而人傑或鶴怨而帳空履
扁石之亦卑于青雲而益崇信崇卑之由我而敢迷亂
其所從乎諱曰九華之鬱蔥兮新舊號以芙蓉兮佳名
傑白兩穹窿兮誰役於此巢雲松兮將往者之不可作
而作者之不工兮我思無窮兮

御定歷代賦彙補遺卷一

欽定四庫全書

御定歷代賦彙補遺卷二

地理

砥柱賦

明夏良勝

稽古先生方與中州君論砥柱為天下奇勝東觀子西
遊子挾所見而造焉稽古先生謂中州君曰夫二子以
遊觀名何大觀乎何遠遊乎試叩其素於砥柱何如東
觀子曰余嘗慕渤海之勝也而往觀之剡桂為舟刺蘭

為楫放乎中流與風疾徐隨波上下惟適所如四顧無
垠萬象入目水蒸釀魄天光倒浸蛟妖蜃怪鰲測鯨鯢
為洞為崖為樓為臺若鈞天王都宛然在睂睫而不可
以階雖膽掉神痺瞑目尸坐中望隱隱蟻浮杯停梗泛
槎休一揖可到是曰三島方丈瀛洲蓬萊未掃曰井曰
竈丹汞未老琪樹交花蹠爾瑤草有鹿斯迎有猿斯導
玉簫寶瑟惟鳴所好童服清爽鵠侍有道鬚髮如畫顏
渥如赭羽衣霓裳燕越黛冶鳧舄鳳騎雲車鶴駕安期

羨門王喬赤松不約而來錯雜廡下於是知神仙果出
於塵想而秦皇漢武所以慕而求之也西遊子曰子之
觀其盡是也蹈危犯險以究荒忽茫昧吾弗為者而敢
望於砥柱也耶吾嘗以山自西來天地有判恣一蹇之力
一僕之幹是陟太華而俯視於長安終南為表牛首在
冠控桃林扼藍田漆經於東沮纏於西千里沃野陸海
奚疑周卜協吉錫都曰宜歷秦與漢自唐及隋相禪於
茲獸墮鳥棲惟智攸堅狂或舍之廟曰既黍社曰既屋

搖搖遠思動固不觸而遺構故築遺風餘俗紛華競奢
猶有存者有蘭其皋有椒其丘披香蕙草噴氣並洲明
庭深宮別殿離寢翼亭崇階梗枿其材丹堊其顏紋縠
疏綺金玉其班曲閣迴廊飛甍雕闌周遭其間絕壁粉
光殘流膩香荷屋葯房繚以芬芳朝可過日夕可延明
冬毳爾溫夏浴其冰因人之勝而奪天之靈彼甘泉建
章長樂未央翠微大明阿房華清與夫石渠金馬天祿
麒麟之名入烟光而麗繁星每怪夫班生未辨張子短

才相如杜牧不足以盡上林之奇哉吾思得周遊其間
將置海島於度外矣中州君曰神仙有無愚者惑焉富
貴餘粕知者不道二子將不能上下矣顧予不期遊
不騁觀舉目而望真意在顙是砥柱之壯將吞二子所
見於胸中而不妄二子曰有是哉藐躬之降在洛之陽
天地所會陰陽所藏嵩丘隆居伊瀍中貫百爾鳩孕莫
之具狀試舉巨麗之殊絕而與子講夫柱之在中流也
廣非逾渤高不逮華以為金耶火不可冶以為石耶溜

不可瀉惟孤撐於寥穹而混碧於長空想像其巔摩天
之連續錯其趾奠河之底岍岐持之太行比之雷首壺
口析城王屋以輔以翼以引以縮若振業驅馳御主於
僕遠應近瞻頤氣使虜可怒可訾而莫達其所至若揮
雲遡雨擊霧祛霞宿月落星風颭號下晴空濛濛帷幕
可架朝濟未斷削出嵯岬欺雪山眇冰谷下視巫峽之
非險而鐵崖之在陸其所足多尤據黃河駕山轟颺翻
海蕩波躍躍金壁澄澄綺羅擊射撼震齟齬伊那欲究

其源之出也亦不知其幾何吐蕃有泉殆百餘泓火敦
腦兒水母乃生是星宿海自天而受隴西出塞弱不負
芥悶磨黎岷崑崙突起中高四下東北潰遷而與積石
相比葱嶺于闐菖蒲海徙潛行地中濁流伊始龍門湮
淪流沙孟津華陰洛汭涇渭並濟九河分合縣亘萬億
而柱之屹然適要其會亦有巖崖傾敬礧礧逶迤峻增
呀欽隨所附麗然而望之不可登濟之不可繫故禽獸
是尾萬翼千蹄射彈奚驚而畢羅不至又安得供三豆

而獮雞以至浮鷗浴鵲濯鴉吐鷗落鴈漂鳧輸芒有蟹
孕珠有羸文身跛足毒螫靈鼃鱖鰕鰓鮪魴鯉鱔鰻之
類一有負固則若水府所畜天吳所妬大罟絕網麗星
鈎餌亦何所措釣徒漁人垂涎朵頤安能致之膏瀉鹵
就嚙切而厭飲於口脂若夫夏木蔽光殆不可章苟命
以延若倚若眠若犇若騫根絞枝壓若龍虎之鬬風霆
之顛帝王屈力匠氏黜巧終不得以斧斤而尋焉是所
託也猶然固宜歷古今窮造化無尺寸之推遷是故大

人君子忠臣義士振爾頽波奮激陳義不知刀鋸鼎鑊
之在前而任天下之重足以扶危而持顛將舉是而名
旃爾二子之所見者視此為何如焉稽古先生喟然歎
曰余東西南北人也固知中州君探禹穴者言大而非
夸夫二子真未逮也耶嗚呼噫嘻流俗滔滔莫知所裁
擬斯柱者幾何人哉中州君無較也無較也益以傷余
之懷

遊峨賦

明來知德

春到草堂陽回瓦屋玉壘之積雪方消濫灝之孤根漸
沒客有紉五芝之秀纓九畹之英遨墳素之邃圃既往
獻之清芬識風雲之變態詠雅頌之徽音駐蓬壺之岑
家嫪日月之飈奔乃拗枯桐戒力從遂奮袂於蟠龍更
馳突於鐵鳳瘳扁舟而逆水兮歷忠涪而平都恁宣公
之忠懇兮靈丘空嶢嶢而榛蕪入釣深而仰止兮卓承
學之刑模羌妖廟之誘民兮走九坑之荒狐跼塗山之
嶠靖兮聒賁辨於斯須涉几水之潤泊兮驚清夜之將

但望寶峰之寵莛兮哀履霜之伯奇彼先童之克勵兮
終劉仙之可疑迺弭節於叙捷兮盼越雋之葱蒨閣鎖
鐵於青蚪兮江澄金於素練紛我既離鄉土兮登凌雲
而相羊覽長公之遺墨兮哀金奴之可傷望嶺麓而奔
涉兮璇埤黛之蔥蒼躋瓊樓之真境兮跨虹橋之解脫
俯玉女之雙峰兮呼歸雲而入閤古洞室室而爛柯龍
髯瀟瀟而流沫剛風颭颭而吹衣蘄石嵒嵒而斷屨噴
世之楚狂兮甘梓茹於落莫豈知鳳德之未哀兮斯道
萬年

而振鐸憩大峨之臥石兮，斟玉液而小酌，披古字之苔
蘚兮，蟠蛇蚓於雲壑，及臻三望，更歷雙飛，奔雪濤而
破錯兮，挂銀冰於十圍，擎流辨於嶢嶢兮，憇與塵世而
相違，倏思邈之虛牝兮，啓懽扉之重扉，智欲圓而行方
兮，吾非斯人而誰歸，乃尋天柱，深趨翠微，畝鷄鳴
而失路兮，蒼樵徑之斜暉，臨靈表之囷甍兮，困玄嬰
漚而欹歔，尋九老以澶漫兮，不火食而長饜，塘廩食以
永年兮，燭石芝而自肥，約秋深以獨往兮，共趺跏而忘

機我飢調矣我僕痛矣乃眈八音於陂池兮枳萬松於
崩巍大雲小雲黑水白水確礪礪礪礪礪礪礪礪礪
礪礪礪礪礪礪礪礪礪礪礪礪礪礪礪礪礪礪礪礪
既猢猻之有梯兮豈蜉蝣之能止兮穴龕殷殷之雷輒
石麒麟之兕忌嚙笑於傖但兮劈越嶽嶽之梅子吟
天上之重來兮洵駸邁之錯喜八十四盤袖瀟雲絲更
有筈路沿彼躡躡豐草而擿上指雪嶂而隙高入窺
狙之公穴踞鷄鷄之佔巢壑霏霏而起霧樹布護而垂

條崖未傾而似墮石已裂而猶交流雲霽霽而成水枯
杉斂數而如魑骨驚心悸意奪神逃俯仰觀覲去住翫
照爾其雞園插碧鷺館裊霄飛簷啄雉疊桶盤蛟或支
蝸石或就龜橋或依獠穴或枕螭螭憑太清以飛構越
埃塽以騰梢莫不凝魂幽礪委骨荒椒窮年累歲茹草
吞蕭快蒲根之漸老賢松子之方彫啁者域之榮樹讓
拂調之眠彪革蒙來天女之試紅芙縱烈火之燒海水
可竭須彌可搖大半秦人而越客間有投冠而棄貂乃

度天門之閼閼兮登光相之削硤撫杪樛而四望兮信
蜀道之登天向沆瀣以縱觀兮識坤靈之磅礴指點巴
字之縈紆遙對大荒之寥廓岨峿晒經巫陽劒閣三江
五溪迴迴聯絡衆水夔其蹄沔諸山窺其搭撮或虎變
而龍馴或踰麟而翥鸞或捭癰偃蹇而蹙躡或駟獠鬚
鬣以虬攫或蜉蝣而鳩蠋或蟻螻而螫蝥或灌叢而茂
悅或宿莽而沃若或怪兮三足六眸或奇兮九頭一角
或連兮淵客榜人之歌淮南風波相隨或斷兮匏瓜牽

牛之處河漢東西相却或覆兮孤臣逐客翦翦譏讒情
悵之有懷或舒兮酒侶詩儔嘲弄風月暨暨之長喙壯
兮力士之干戈烈兮忠臣之謇諤高兮千年萬世挺秀
於魯丘鄒軻之間卑兮朝再暮三投足於秦闕燕市之
末同兮依形附勢而奔趨異兮樹黨立朋而相割南威
青琴兮煥其美寧成犢麋兮呈其惡狀別形袞糾纏輟
駁本物態之變幻類人事之紛錯亦令人喜亦令人愕
乃拂吟袖於高寒振塵衣於碧落浩浩乎不知所來兮

登閨風而綫馬翩翩乎隨其所適兮濟神水而駕鶴乃
若連氛累靄揜日韜霞崩雲泄雨或近或賒洩湮激盪
吼電揚沙四塞籠煙似公超之有術單衣索纊歎遷客
之無家及爾長風擁篲盡掃浮陰雲驅萬壑日入千林
爾其白毫挺出恍若玉玦之蟠空踈霧平鋪宛如野馬
之撲面俄而蝦蟇亘於厓牙鳥語鳴其佛現豈大士之
弄丸兮以有為為露電或礧質之鬱英兮乘薈輝而流
絢方施鞭而吐火兮成纓就而規練乃若斗杓既仄啓明

尚杳午夜風微寒霜冱宵少焉暝色瞳矐熒光縹緲始而散出幽邃繼而遙分雲表依厓乍吐若藜杖之生花過嶂愈明如星珠之泛島一往一來或巨或小熠燿宵流火泉夜曉將落霞而齊飛值雄飈而更燎好事者謂之聖燈窮理者莫之探討意者山魃木衆蜃樓海市之類經之所謂見怪物則祀之者也因勝槩之偶來念此日之難得水將將以浩漭山蟲蟲而截案足跼蹐而九迴心惆悵而百折瞻上林而盼望兮驚題柱之奇才對

春樹以遙思兮傷騎鯨之可哀嗟知己之幾何慨遭
逢之不偶每景短而思長或輪平而路陡使桓譚之鑑
別少差兮文章幾於覆瓿彼李定之姜菲既售兮甲兵
起於臂肘以夫子之忠懇兮宜鼎司而台斗何此理之
不然兮竟東擴而西走故是非蓋棺而後定毀譽何世
而不有遠眺長思感兮追古孰嫖孰媼孰賓孰主孰懷
瑜兮孰握瑕孰飲甘兮孰攻苦彼鵠螟之較鵬鴉兮回
殊形骸而聽姑之與翁蠓兮同歸塵土是以至人鑑金

鏡達士坐兜玄修身兮其損在我鎔鑄兮其默在天默
我窮兮則蠖屈默我達兮則鳳騫或可以肆我之志兮
羌賣卜以何嫌如俯仰之無愧兮蔑翁亦至今而猶傳
苟棲不擇木翔非日邊投彼琳瑯負此龍淵雖有賢臣
之頌兮亦明月無因而至前故寧陳情而泯泯看霧市
以媯媯繫此夕其何夕兮余何為而山嶸俯仰古今於
一望兮眇天地之何小何芝蕙之不焚何松柏之不草
嗟買銳之長鳴兮歟西昏而東曉方見紫而成綠亦視

丹而為鴈信陵谷之盤渦終舜英之難保登九疑兮隔
洞庭望滄海兮迷蓬島既達觀於真宰兮胡脫跡之不
蚤曷不齊萬物於一致兮委彭殤於壽夭歌在陸以弗
告兮與茲山而並老招浮伯以容與兮巢雲窩於霞表
擁香國之崇蘭兮樹空谷以自好攀薜荔以自娛兮時
濯纓乎幽沼雲無心兮洞門鳥長鳴兮木杪已矣乎吾
將反觀乎太初兮求自得以為寶奚喟喟趨趨乎浮名
兮坐令朱顏白足彫剝紅塵道

齊雲山賦

有序

明 劉鳳

齊雲山宮者北帝之所寵靈東南之喬嶽也爰自前代
式廓基兆肆規棟構累有飭宗越休顯我大神威神光
禧斯亦靈德丕祐山川孚貺表祥垂祺聲炎之絕赫者
也逮世宗肅皇帝肇命憲繹風感淵心迪隆天造恭用
吉玉格於昭壇俞乎懿哉遐不煜煜煌煌塗於純精哉
猶以宮殿之制未極雍備非所以奉虔祀極閼嚴垂永
久祇肅將也爰發太府錢幣鳩繕庀緝益藻煥儼翼弘

於前勩矣余營糧千里企踵祠下遂獲瞻禮仰而歎曰
吁何異哉天人之際玄感眇微嚮格幽邈非可得而云
也賊淞既夕股震毛栗徘徊而不能去爰嗣言於風人
用掇述其梗概賦曰

粵惟浩渺融絡川瀆峙為列嶽鬱澹對之爽精域上方
而磅礴戒祝融以作鎮奠坤后之廓剡眈皇輿以雄矯
鬼寧一而錯愕於是封以崇山帶以巨壑爰次泰圻正
位乎灼爚惇明耀於星紀應中候而有作乃直斗分以

開嶺址齊雲而上拓緬休陽之經維埒辟王以疏爵偉
九野之瓌麗何茲嶽之鑿落瞻彼崖巘之為狀也則靡
迤延亘岵岵踣踞密蹙踞乎嶂嶂也駭矚萃建靈攄窈
窕博儻良乎韞藩也屬鴻紛以復義兮隴振鞞而扈蔚
地砒崕岬以踈踏兮奮匡攘乎芥原發軔硤礪度咳辰
而躋嶂嶂兮施阡陸之天嫫眈眈以云云其龍震雷
兮捐適皇傑僂以蹠蹠岵岵嶂嶂之虎繞兮擘離右轉
習往而橫趨霍護芬披漫羨流爛兮合還膠輶以叫寐

於是躡步蹠蹠絕翱翔分歷浚隍而憩深淵前前分石
磴磴虬屈蟻約岬嶠欽崙陁遂紆縈降而復登凌嶸嶸
而道嶮嶮今夫何齡輒揭旒之浸淫也亭幽繆以疏隧
兮敞嶒岷之曾岑跨迴谷以並方梁兮薄磨砢之千尋
劃崇墉徑猷之埒嶠兮宕重閨以衽襟窳巖突之崑
屋窩擬兮窶窶硤之依青濶褰若龍鱗映何靜窅兮晻
曖沈悠而曠露於時未臻夫天門也迺微睇夫駘蕩之
無垠固已仰踐飛鷗而軼遊禽儲與恍惘以悵悵兮倏

騰蹻鏗暝而摩瀨清來浮氣之搏搏兮康梁桀桀而蹀
澄滓之營營礫苔洞之折入兮飈以案衍而隱砰嶺聚篇
薄之與新雉兮雨君礪礪而礪滓泓石室遙遙而攢側
兮堪巖封闕連廟以轉牆編欄青蔥靚何耽耽兮竇倔詭
叢倚而瀉津管於是危石嵌岑巉峭落勢蜿蜒而飛空
瀝液琤淙之颺颺兮翳霏霧之濛濛露瀾濫以霏霏兮
注懸瀑飄飄以豐豐均瓌珠綴晃綃帷兮榆嶮巖之穹
窿嶠淮聚納霞月兮曳采撓髻眉之環虹霏攏據而桀

崧兮若秋葍靡靡之從風橫澗跼走其隄絕杪顛兮離
樓相撐以互經矯仰睨窈窕而莫覩兮下踉蹌而不
暫停長電背秋涉冬之剋敷兮暝灑酒涖涖而馳迅霆
攬幡幡崩滌之斐亶兮又滄涯奔湊其泌勃獫胡猥濶
而失措兮觸崕岫以遠遷之剗剗標撇決裂拉攢唐兮
素雌哀號於東院雲嶰岌聊戾蛟龍澹兮訇勿律吸洪
河之倒躋趾蹈皓鵠攄夫景煬兮徑閭闔而高蹠於是
偃僂傾霄而心悸兮竊親三階之將將儼神居恍忽若

有臨兮曾不可得而名狀軼五車連蜷於馳道兮抗營
室之疑岨而作閭黝糾勾陳瞿為衛兮儼璿極之寥廓
以相望惟九宮之貴神握四七之旋布兮被萬象之曠
曠而紘天綱彷彿坎熒之陰墟兮歲綏隗乎華蓋之亢承
黑帝之行德兮序列宿以昱於其方晞虛危煜以炳明
兮蕩芬第泰元之皇皇從天乙而下羣靈兮奕奕指
玉橫而焱撓槍爾其恢典度以考宮兮球琳瓊甌珎璫
埴壚瓌材林積珍奇委輸菑粟闢創倨直構模依并結

阿欽巖斷塗落以棍成駢田扶疎洞淹地軸要紹清都
離婁眇睇以俟倚兮班爾心賊而不敢施其雕鏤經日
月於戶牖以為朝夕兮黔雷驤陵於軒除璇題塘挹夫
北河兮麗慶雲之灼爍乎金鋪掬若木之菁英於納陞
兮扶虞淵之萐萐以層檻桂椒歆涌而承櫬兮歡沈水
之儵歆乎蕭跼齒齒垂節而將粦兮間壁釭之明珠梟
牢挾振之櫛比兮張廉瑕之強幹而薄其蔽堂緩荼之
宛而不邪迄今極剗剗之工巧而曠曠督修峻之中繩

分陳勾楯之捷機乎朝蟬何錯紵之澤若流水兮焚樛
檠施以牙偈飛廉衙衙而通視兮睢盱上榮之不可腐
竝進馮夷玄螭覩翠楹兮包六漠之無際信神明之所
廬兮陋林光與杙指於世皇之降假兮涉皓庭而覽茲
淵懿續昌飾而有所增加兮暎出日之蒨葦以巖巖測
置紱正緯經兮步軌繫八神之從眦眦覽覲之北絕寒
門兮替暗昧而罔不四施匡衛輦紅暘之酷烈兮殷紫
微之翠氣以諉誣魁低昂而衡泰宮兮盼蠻嶂玄冥以

昭類遊神北落之挈天紀兮威玉璫之淑郁而颺景熹
肆宗裡何不顯潔蠲兮穆恭默之承釐儲精白日貫三
五兮諒貺隆之在茲於是徒觀其後負巖嶮之丹障兮
矗屏宸之扶樹中特高而造天兮席嶧嶧之危柱刊削
戍削列帷帳兮韡曄襄平平圃礪棧齟而重倚兮辨墨
壁竦峙以扈扈巨門冕擢之顯閭兮基弘敷而狹乎百
堵於是接以文昌之帝座兮殿虛無之寥陽歛雲旗桂
輦之翻潤兮播灑東井而輶玉房峇岫翻标标以脩脩

分翻左屈乎堂壇翼長離之翬飛兮曲枅橫出乎宮之
鬱卑樞檻騫翥之翱翔兮珍館陰淫而彌乎贊屹觀遊
樂之標倚隙兮干青雲而未半右經三元之閔殿兮跨
庠豁以凝寒燕靈囿於東廂兮并公戲廡之西端徑緣
奧以邃窻兮何虛闕之不可殫蔓筵扶臺祐迤邐兮糾
發隄阻穢柄栖閑閔靈陵階無疇兮棲穉鳥舉櫬獬豸
澧泉涌溢貫中唐兮瀟陽馬柳夷行於是振溪通谷
庸康乃緘閨闔坂院堂奧復陸碣礪文砥雜眇礪澳洞

室閒榭宴清玄邈因方就圓不待改築落彩制究華綈
翳林麓流盪盞奇葩鞞鞞被以修竹其巔巢秦搬離文
木松杞琴麗檀檼竿策莽峰冠廣養石院傍欲墮
分遺光曜忽奮飛兮突若特懸萬仞兮庭隈隩仰咋咯兮
遙相勞附障戲兮薄倖隄綴貼危兮跬不任踦窈窕隙
窩兮頽陀侈隕之齟齬敝淩淅之驚流兮暴灑晴空以
颯澍雨虹溟溟以消截兮濺漫漫之淒淒陟叢灌距山
之岐兮閑縹碧之嶮嶙然翕歛而不徹兮又堪隤而敢歛

節天梁之自然兮，累崆峒沃若於河津。峽岵岵之翦茝兮，嶧嶧鄰於青旻。翹香爐之峻峰兮，羌秀出之逡巡。瀛呼吸而上通兮，風澌澌而下淪。固彊梁之宅靈兮，吐含化育而乘象辰。雲烟盪沃霈霈兮，見怪物之蜃蜃。雲蒸潤以薛越兮，憤盈混澣以陶冶。乎兆人浥濡沆瀣之餐餐兮，嗽嚙霞液之飮氛。臝貞翼憲勞謙兮，華兢業而賓筵。萬神貶思抑慮之奉欽兮，何勗戒誓之能流廷。臣蟠七宿瞻玄武之分兮，感皇心之精禋。蓋况榮顯尊

之召嘉號兮何殊祥之不臻
荅恢崇而鑠懿和兮庸膺
保我人民禪云亭兮封梁山
天顧懷兮盛德躬合靈符
兮瑞便蕃漸萬世兮滋永年
極古之休則兮豈七十二
后之足云頌曰瀏飈暨暨
濔濔濔濔濔濔濔濔濔濔濔
配黎樞燹輿姚懿濔濔濔濔
濔濔濔濔濔濔濔濔濔濔濔
其朕兮禴榮照照號戒招搖
於嗟旅兮喬嶽懽懽玄璣
梭杼洪鬯柜兮馨惟馥芬穰
穰降福百物宣序兮

九龍山賦

有序

明鄒迪光

夫懸圃具茨姑射瀟霍不周疎屬方壺員嶠之類胥神
仙玄壚靈怪幽壚標名域內托跡象外武步不及評騭
何繇若乃終南太一天孫酉陽宛委仇池鳩宮祝融二
華之屬秩視三公號崇萬禩虔懸事備崇望數殊自昔
炳烺無煩揚詡至於從都作鎮循邑為表合符受瑞毓
異鍾英要履勝流賈藻藝苑其在域中靡可殫悉然或
疆里夔而昭藐無倪或載籍缺而詢咨失覈或名存而
實左或曩著而今湮其於頌紀將非實錄惟我九龍山

者為觀一邑擅勝三吳瑞氣日以睢禕人文藉而毗輔
圖牒具在故老聞知遊目有餘寄心無盡備在操觚能
乏稱引云爾賦曰

夫何茲山之離奇竊糾分簪芙蓉而有九屹嶮崿岵岵
撐日月而躔星斗兮冠諸岵岵嶮嶮以為首遠則禹祁
鄧尉夫椒金庭穹窿玄墓天平支硎香蘭唐貢離墨甄
荆輸衷茵伏若屢若躄近則月脾石盆西顧南橫路耿
嶧崿白檐黃文雞坑鹿頂五浪七雲屈體列侍若兒若

孫故能翕欻旬始拂踰氛祲播莫浮歆斂投倒景托彼
赤霄梁乎泰清趾厥白榆弼於紫冥飀譚緘而奔冒嶠
獮翻而大矯峒離襍以稟屬岑南菴以區眇畧何剗剗
劣窮阼粒崢嶸硯礪礪硤硤砢砢砢砢砢砢砢砢砢砢
朋毖而逞誰不怵惕每石堯堯紛乎岨岨糅糅穰穰狷賓
陳雜置若斧若鐮若呂若鐫若簣若簋若敦若孟盤蹠
枳足不可以趨即惟倅以謀勇實彳亍而躊躇吐氣為
雲五色續紛欺欺娛娛翹翹翹翹翹翹翹翹翹翹翹翹

或龍霞而旖旎或貫月而嫵姪或含水而激瀉或抱石
而綰縕莫不覃爍蘊茂蕭索輪囷冠珥干呂如綏如纓
為喬為卿而迟迟於檐鈎白石之塢彌濩於梁谿蠡澤
之濱時或含訝頽洞劃然中枵箕伯扇之萬籟齊號颭
颭颭颭調調刁刁若叱若吸若激若譎若怨若訴若怒
若叫小者筊篴鉅者鼓鼙大陸捲浪修岳鼓濤夔跂奮
躡而起舞雲陽竦臂以招搖爾其山脈寫遠有灌者泉
仄沸而汎隱現而藏合出而漢噴瀑而懸瀆淪滲淫輸

而匯焉托於一潭評水方域此為二泉覈實定品殆莫
之先夫其困泣汪洸澹冽澄鮮若秋雲之在天其混瀚
灝渙流映揚光若西子之臨妝其泓沕洞漻漸瀛汜寢
若冰綃之曳影其幽馨清馥襲肌撲鼻若天花之秘醇
雖大浸稽天而不濫即焦烟爍石而不涸又若恒河之
繩繩如昨而銀漢之盈盈自若於是陸羽杜育盧仝王
肅之倫周顒阮籍劉伶孔顗之列斟彼瓊滋岸此玉液
用以煮月團烹雀舌釀麴生汎竹葉磁甌傾乳銀缸漬

雪歡之而塵慮惺飲既而愁城滅又若帝臺之漿三危
之漑可以蠲疾延齡而消煩解渴其餘若寒乳松苓滌
硯惺惺龍鳳滴露慧照若冰皆二泉之別派將一本而
支分縱同出而異號亦避潔而遜清遂使西隄白下東
越閩閩南浮江界北軼海虞人飲之甘家計而儲莫不
小舫峨鵲且載且馳千夫擔荷前唱後喝若裹蹄之貢
少府黍米之稅天廚而盡日夜以委輸若乃廣衍延袤
旁闊素慮色絡山陞囊括陝阻嵯岷塿壚廢圯限仍

仍覆袷綽綽揖擒康莊相錯崇期交會屋室隱賑羅肆
列隊亦有貿賈埽幣駢坐銀櫬兼呈嗶嘰鼎沸野橋白
板朱樓對踞官道綠槐青旆敬肅有河間之數錢多臨
邛之條器負巒而處爰有良田香塍灼灼繡坂漫漫源
泉漑漑灌注陌阡陰不虞伏陽不慮愆青陽聿尊卑陸
土埏畚鍤雲集饁鉤星連以蕉以蓑載芟載剪維彼山
農少習不遷及蓄畬熟種陸滋場既滌穫已徃錄社長
集閭師雞豚時薦壺觴橫至定一為十拘五作二謹饒

藪澤啼欵壁塢夕陽在麓傴僂而舞若其瞿曇金舍薄
迦琳宮鳳剎瑰瑋龍池玲瓏健陀耀燦阿蘭蒙茸梅檀
百尺盤蓋千重層巒相承浮棟交幪精籃繩繚儼若附
庸皆踦靈鷲以馭駢轡仙鷲而竦踊中間紺園發饒金
像騰光蒼筤菴羅吐葩垂芒迦陵頻伽韻竹嘒簧赤髭
踉蹌白毫焜煌踏杯合杳杖錫忽怳白日雨花青山蓮
掌珊瑚舌動而經韻海潮珠火著高而人欽寶相當夫
佛日營齋僧辰布法則有優婆婆羅門之輩累息股弁

肩摩趾齒離離魚貫僂僂猱撮蹠肢擒捫盤跚勃率揮
汗霖淋舉袂風揭相與穿軋芴破蒙密踉金繩壯鴈塔
搏清鐘擊寶鐸千炬烜蔥菁衆香熏碧落信慈氏之兜
率而如來之極樂也兼有洞玄內觀上清邃宇列仙攸
館明神所處檐葩傑僂棟蕊縹纒玉題金榜鱗次櫛比
旗旄長懸郅偁不徒青鳥翔集白鳳戾止恍閭闔之可
叩覩玉女之啓噓薌咲盼乎九天步虛聞於百里彼謝
羅之羽室三千白岳之玄廬百二茲焉亦足以比擬至

於數里之內不乏名園依巒倚阜背壑面樊涼臺借石
水榭通川檀欒茂樹蕙畹芝原左鄰佛苑右譏仙壇陰
磴無地修廊迄天重櫺妖嬈黝洞蛇蜒石苔駁蝕竇溜
時泣濃翠妒日深碧吐烟不風木鼓未雨條眠橘柚垂
實桃李不言或藉資荊牧而河陽館築或肥橐使越而
好時居遷或類陶公解綬而園開三徑或學支遁買山
而家無一錢此其人雖異而皆有平泉之綺麗辟疆之
精妍可以當山林之樂事而畢考槃之餘年巖巒路盡

匿谷已窮杳然太古絕無人蹤古蘚如石千年一封白
 雲自在碧澗淙淙桃花流水宛然可通誅茆其間數椽
 以容植石為牀架壑而屋鹿麋與友雞豚自牧不知晦
 朔固識寒燠龐眉皓首雖野不俗鼓腹而嬉山涯水澳
 日遲颼颼臯隴初沐放杖相遭邂逅匪速偶與之徘徊
 焉瞻矚焉歎城郭之回換悲陵谷之反覆數人物之興
 替較年歲之凶熟曲瓢承漿瓦盆置菽藉草蔭樹折荆
 代燭鞠盃不設禮數甚朴又何啻宅華胥畏壘而家太

蒙栗陸也祗洹之旁清都之隙附以佳城牛眠馬鬣金
鳧內躍石鯨外踴草木象山魚膏為澤黃泉之下亦有
白日自謂千秋永不磨泐誰知青草迷離白楊蕭瑟山
廬夜啼燐火盡出荆棘參霄芻蕘競入狐兔竊伺腰膓
不食信人代之有盡而山川之無極既速朽而易化即
厚葬其焉益將不免於牛山之淚而雍門之泣木則松
柏枅櫨常棣甘棠含桃來禽移櫪槐楊楸梧棘棗枇杷
柘桑梗楠榛栗澤蒲天香族延曲阜宗孚山岡結本屈

詰挺柯高張間柯杈杈區薊嬋媛塤塤綢繆攢立偃仰
崔錯登甌纈分沆浪餐霜飽雪千齡而往披雲霧以舒
蔭合颼颼而振響即斧斤之暫入胡槎枿之不長草則
歲莎管蒯苦第卷施戎葵尚臺登蘇苾蓂襲倚射干游
冬攀夷王菊女羅拘薊茱萸苢苢如蓆薜蘿蕪蕪藜彌原
匝阜陰菱陽愉菲菲入鼻郁郁薰禱魚用糝藿食所
須中間茵陳萆薢地榆天粉兔絲菖陽防已寄屏又能
殪羣魑驅二豎扶痿痺澤憔悴沃肉翅欲飛煉朱顏久

駐此皆山祇之所默相而滋培與獄靈之所陰施而旣
注竹則篋箒由吾射筒林於篋簾箇路篋篋簾簾籠
孤管簾篋孫枝淇澳之種渭川所移節挺青琳筍抽碧
玉婀娜翦茸澶漫肅穆從風傾敔捎雲上直豎能使貞士
比節而友酒人摘葉而釀山客裁箴而冠林叟劖竿而
杖此君可對素封不讓鳥則鷦鷯鷦鷯鷦鷯鷦鷯鷦鷯
倉庚鳩鵲鷦鷯鷦鷯鷦鷯鷦鷯鷦鷯鷦鷯鷦鷯鷦鷯鷦鷯
鷦鷯鷦鷯鷦鷯鷦鷯鷦鷯鷦鷯鷦鷯鷦鷯鷦鷯鷦鷯鷦鷯

散若雲收瞬視軀翅便儼自由朝遊岬岫夕反河洲獸
則麋麇麇麇麇麇麇麇麇麇麇麇麇麇麇麇麇麇麇麇麇
屬麟趾之羣踣踣角犄犄犄犄犄犄犄犄犄犄犄犄犄犄犄
曠共下朝霞與屯填岡盈麓或娛或犇雖則毛羣之穢
質亦助山澤而成文於是青祇居白藏交條風媚湛露
高日景麗月貌嬌氣駘蕩時闋寥溫涼適人意調則有
顧陸右族猗頓富人游冶少年貴介王孫竦龍劒服魚
文跋珠履振華纓乘駿馭駕琯輪擁翠袖挾朱脣車輦

輦人殷殷搯象管叫鵝笙歌白苧理陽春落木葉動梁
塵畫地分曹因阿作屏泉為酒池山乃肉林陂池上下
方圓雜并男女狎坐于陵于京幕丹崖兮紫絲障飾翠
微兮石榴裙傲山色兮笑靨答谷響兮懽聲念爽鳩之
無此何余樂之可經亦有名流逸侶騷人墨客牽引蔡
筇蹠蹠蠟屐提攜友生擔舉歡伯佩有錦囊亦懷不律
對山月而抽黃撥嶺風兮浮白宛伊人兮山阿信薜荔之
可宅亦有姬姜妙質陽蔡名姝娥眉曼睂賦理柔靡

香車歷途露紆歲蕤暫而流步嬋媛差池綦履不任轉
益其儀語笑花間從空霏微蘭膏滢渥於嶢峭香氣霍
靡於嶮巖實為泉石點染而生色非土風淫佚而貽譏
亦有九州四海八方六合之內如湘潭逐臣皇華重使巴
蜀名賈江湖蕩子燕趙俠遊吳楚奇士或凌風駐楫或
奔星挽轡慕勝而來戀奇忘去甘泉一畝萬慮滌矣亦
有獠人獵徒袒裼馳騁狂趨獫狁僇佻坐並布民施尉
設機置阱青散志厲韓盧力勁蠃螭翽翽離合不定於

以突棘藩杞叢薄掩廣澤麟長壑鳥不及避獸盡駭
愕膏血污毛羽落不獨撓必雙捐斫縱盡穀卵竭即鹿
無虞從禽而轉剛鏃既潤霜刀以染耨技勇弱較獲多
鮮列鮮野酌舉爵沉酒餘勇未泯既反盤桓他他藉藉
老穉聚看此雖里閭侈鄙之風倘亦山川壯盛之觀乎
嗟乎人物挺秀維山之靈效珍獻瑞自昔而徵故長康
才致擅三絕仲卿拒莽表奇節安道抗疏詆新法日休
扁舟弄水月元鎮褊心好淨潔焚香攤書清秘閣此皆

千祀流芳清修卓犖前既不誣後豈無作意者必有心
跡雙恬衾枕弗忤以詠以歌一丘一壑為之砥狂瀾而振
寥廓者矣亂曰岵岵嶕嶕表巘嶸兮沈沈窈窕藏竊窹
兮緜緜聯聯極廣衍兮第第馥馥繁草木兮揮揮騶
騶育鳥獸兮得得版版備遊覽兮濟濟鏘鏘出高良兮
龐龐隱隱保蕃盛兮符令援昔永不失兮

金山賦

明 潘一桂

岷源斥玉輪剖涪汶匯沅湘闢千流既同百谷來宅滌

欽定四庫全書

浪以卓犖分絕遊氛而負青天辟乃淫濤以憤怒分殺萬
里之驕濶基以蛟宮隍以鯨波兮廓遙岸而衝崩流苞
牛曜以肇胎兮奠朱方之上遊負蹊蹠以碣起兮絕氛
垓而不留仰天嫫若龍遊兮俯蹲踈如伏牛肇孕金而
浮玉兮錫嘉名於六朝爾其靈脈之四協也則肱焦股
玉引峴控霄爾汝北顧襟帶南圖石簞揚袂盤陀曳裾
發禱貢妍跂踵頰軀若朋昵以相勞亦綽約以共娛蒼
然鱗次稱附庸之國琛獻而實輸爾其灑睇之遙含也

則溟渤呼吸暘谷瞳矐朝日夕月互經西東五州部天
高驪刺穹龐巖封閼轆岫而襲觀兮矜靈揭旒繁亂而
洶洶郤雲吐雨靚何嫵姍兮翦然賓然開陸海之芙蓉
千疊百雉擁天塹以對峙兮囂囂言言烝以鬱蔥邇封
遯域限南北界吳楚而分邦焉至若林間波府浪蹴香
城考險列構循危載甍龍蟠繡栱鶴矯雕楹珍臺彌乎
巔岼嶢榭抗乎崢嶸檻騫翥以暈翔亭夏奕以鸞擊梁
要眇以霓起鈴答蠟以檐鳴塔尋雲以上出幢干烟以

孤停廊四闔以納爽洞玄邈以延清乃有瑤珎承陞琅
玕綵楯玉版分輝金繩對整瓊函芝檢鳬祝藻井燦碧
漣金黃爭煜競耿五色相耀虛外含影日月榮其晶瑩星
辰襲其彪炳飛廉衙衙而斂轡馮夷輯輯而延頸迓景
純於雲墟禮頭陀於烟嶺天徹標頓悟之門玉帶落箭
鋒之穎處士擅響於絕唱蘄王失敵於速騁遊魂依法
以脫波神龍夢遊而鑿井信神明之所廬而棲心之靜
境若夫餞寒迎和淑氣初敷天桃揚頰豔杏挺村采藍

淨綠貼霄而鋪輕颺微濶若有如無於是陶嘉月藉芳
辰賓從鼎來羣揖競臻銀鮓刀鱗銜鮮漱新既乃釋舠
辭羽躡步巖嶠攀躡顯氣登軀林杪躋駘蕩躡窈窕踐
飛鯤軼遊鳥奇撫雲上異拔霄表嶮突兮遠岫之隱嶙
而縹緲也洊瀚兮洪波之噓虹磷日浩漭而彌淼也纖
繹兮吳帆楚纜鳬飛電寫乘波途而踐雲道也爾乃經
慮滌煩憂捐漱瀦液招遊仙弔梁衍悲吳權睨蓬壺睇
蕊淵愔愔自顧其樂忘年爾其娛樂未終流光將夕綠

霞盡滅絳雲微集瑤海上月下蕩秋沙搖瓊曳玖渙汗
潏潏若金在鎔飛躍注射餘絢隱見覽不可悉起淒響
於江滢泣鮫珠於崖隙鐘霏微以烟度鵲驚棲而不息
於是為之歌曰翔天波兮擁明月與至清兮並遊歇安
得冲舉兮恣超忽若夫長離南邁融風扇氛爽榭鬱燄
里閨如焚更簞驟盪揚炎益熅爾乃逃暑山館招涼江
谷風穴凝寒陰巖却燠移高蔭之蕭森蔽琪枝與珍木
漸水氣之氾沆落飛颺之穆謖汲虛無之青熒斯骨凜

而神肅結幽夢於華胥與仙者而為族若乃濃雲威褭
猛吹欬侈波如活山乍伏乍起霆崩箭疾嶽積電駛散
類天裂合疑地圯飛沫搖岑激洑刷岵鼓檣側帆倏忽
生死乃有怒龍慙蜃水馬闖犀陽候海若雲君霓師揚
鬣鼓浪掉尾卷澌友風子雨妖譎多奇駭心眩目悚息
而崩摧信茲山之雄快兮變昏旦以展媚隔視聽於域
表兮棲神明於天際雖靈跡之冥昧兮猶夜浮乎金氣
願違世以稅駕兮脫人羣之戰兢向白雲以獨眺兮濯

靈腑於中瀝

黃山賦

元趙純翁

混沌判極品物流形安邑有山以黃得名偉矣哉黃山之為山也雄據一方壯觀千古黃壤載於書為地道之博厚黃鍾見諸易為坤道之利貞磅礴兮不知其幾尋地出甘泉兮有脈天降時雨兮有雲三十二峰兮圖畫百千萬態兮丹青上有虎嘯下有龍吟東西南北兮且瞻且仰春夏秋冬兮無古無今望之者如嵩如岱如華

如衡登之者載行載憩載喜載驚方其春且夏也黃鵠
巢樹黃鶯啁林黃荼蘼兮似蠟黃躑躅兮如金梅黃兮
調宰相之鼎槐黃兮驚舉子之心斯蓋一年富貴王孫
公子孰不欣欣及其秋且冬也黃桂其馨黃菊其清黃
雲兮有時靄靄黃霧兮有時冥冥風起兮黃沙晦明霜
殞兮黃葉飄零是亦四時之代謝達人之大觀亦何有
於傷情是故上有靈神祈雨而雨祈晴而晴祈安而災
眚不作祈稼而百穀皆成下有隱君子非比干之子孫

則留侯之末裔非潘河陽之宗派則車武子之雲仍金
刹兮山之陽琳宮兮山之陰晨香夕燈兮濟濟緇黃之
輩夙興夜寐兮鏘鏘鐘磬之聲有客謂余曰有山如許
是固一美青山綠水富貴二并余應之曰是山也東瞰
長江南接洞庭二水渺茫兮煙波萬頃一峰突兀兮風
月雙清余將依山兮築醉翁之亭汲水分濯孺子之纓
朝於斯夕於斯饑則食渴則飲枕石漱流以終吾身容
曰是志也子先得我心之同然耳遂喜而為之同盟

玉笥山賦

明 金幼孜

鰲宮散兮彩雲鯨海飛兮黃塵銅山眇兮寂寞玉峰美
兮嶙峋占西江之上郡表南紀之孤青攬神秀於磅礴
通仙靈於杳冥割晨昏而軼雲雨薄光景而生風建登
之者若廣寒百萬戶之玉寓望之者恍巫山十二峰之
翠屏余嘗攀攀羅絕澗繫馬西風斷蒼崖之秋骨舒一笑
於奇逢攀危巢於棲鷗附垂翅於冥鴻發孤嘯於巖端
振萬籟於笙鏞但覩夫華蓋倚天芙蓉削玉清霜利鏑

劍插秋寒初月修簪黛橫空綠其瑰瑋萬狀而東連者
非臨川諸山列於前者乎重灘來遠千里如瀉烟消雨
浹隱若垂虹雪立風濤疾如走馬行祠候龍女之暮歸
別路泣驪駒之曉駕其蜿蜒百折而南委者非章貢之
經流繞其下者乎西連石霜百丈之奇北挹閤皂寶金
之秀或寬而坡陀或卑而培塿莫不瞻仰乎後先羅列
乎左右則諸山聳處之尊真足以配南山不崩之壽也
方將臨飛梁凌絕頂窮玄微入溟滓紬石室之藏書校

黃庭之內景俄遇鴻蒙先生虛無誕更身珮蒼精手捫
落斗或處靜而守默或談空而說有相與吐羅宿之奇
胸騁懸河之辯口候紫氣於青牛歎浮雲於蒼狗誕更
起揖於先生曰子亦通玄者也獨不聞清江玉笥之山
乎夫洞之名天者三十有六而法樂固為第一福之稱
地者七十有二而郁木固為無匹蓋天作而地藏宜鬼
沒而神出今子以憑虛弔古之才拔俗出塵之質不遊
於玄都千樹之時而訪於昆明劫灰之日何其異哉僕

固鄙人請告山川風物之美宮室羽儀之麗悉耳目之
所及庶幾發吾子之蒙而祛吾子之蔽也在昔此山卓
卓太古究其根盤固知幾許錫以大白雲臺之名雜以
羣玉秦望之所崟岑弗鬱嶺嶸險阻從總嶧坂嶮岢峴
嵯嶠者如龍踞者如虎方者如屏圓者如筥斷者如臼
續者如組高者如立下者如俯呀者如吞突者如吐平
者如削起者如舞向者如闕回者如顧千奇萬狀不可
遽數其上則小山叢桂漆園大椿松檜枯柏椅桐栗榛

大餘連抱深踞重坤夸條幡纒布葉鋪荼昂霄聳壑霧
合雲屯白日而蛟蚪動微風而笙吹繁禽則出穴雛鵝
銜書神雀黃鵠白鵬金雞玄鶴旋日駕鵝鵠鵠鵠呈
其吐綬名之掞藥雲彩星馳風毛雪落或翔而集或俛
而啄是皆踰岷越嶂離瀛度弱不遠伊邇於焉茲托其
下則玉芝歲蕤瑤草綠緝散若麝香荃蘭甘菊兮窮鶴
化金鈴櫻粟抗紫莖揚清馥耀羣芳駭衆目被幽崖施
中谷灼灼猗猗青青郁郁獸則馴虎飛猿麝香麀鹿或

獻果而攀蘿或賣杏而收穀或食乎野萍或眠乎石竹
餘則五色之毛千里之足茂先亦不能知爾雅所不及
錄莫不肥大蕃息絡繹馳逐以寢以叱不瘳不瘳水則
三溪八池七潭六源丹砂之井玉醲之泉服之可以永
壽飲之可以成仙滴滴瀉瀉澄澄涓涓光涵曉鏡聲彈
夜絃練橫瓊瀉枝分蔓延決而為雨積而為淵溉田百
頃衣食之源然後觸穹石赴奔川東匯彭蠡同歸海門
其中則蛟龍龜貝鯢鯉鰭鱗比目之鮓縮項之鮑沙蛤

海蚌明珠出焉亦有羣飛屬玉並浴文鴛雙鳬乘鴈鳴
翠舞鴟蒼鱗繡羽舉一漏千莫不集於淺瀨浮於清連唼
嚼乎菰蒲菁藻棲息乎芰茨藕蓮建宮室則度其隰
原拔斯柞棫爰命工垂乃程匠石巧者獻能勇者效力
千夫雲從萬斧雷擊鑿石而龍門空斬木而虎穴赤發
嶺表之瑰材集江南之佳植倏鬼設而神運不一朝而
山積於是寶圖呈於坤靈玉梁降乎天寵倣配極之玄
都列飛霞之畫棟翬翼宇而欲飛螭負楹而不動華榱

引明月於璇題藻梲綴浮雲於朱戟露闕角之蒼龍啄
檐牙之丹鳳表以承天大秀之崇侈以天德乘光之竦
參錯乎萬像之鱗次彷彿乎九重之星拱觀其重觀疊
樓右坪左城飛甍驚海色之搖紅鉛砌鏤琅玕之連白
窗綺疏而結錢帶金釭而銜壁聚天上之星辰隔人間
之風日周河漢之昭回順陰陽而闔闢宜上帝之高居
近天顏之咫尺至若黃道雨晴瑤階塵輭翠蕤下方武
之旌魚鑰起寥陽之殿羽衣翻仙子之霓裳雉尾擁宮

人之彩扇耀孤鶴於金莖鳴八鸞於翠輦魚龍舞九奏
於鈞天鵝鷺肅羣具於旒冕濟濟乎山澤之癯昂昂乎
珪璋之彥降笙鶴於緱山來烏鳬於葉縣無非講道德
於玄文呪長生之祕典玄霜杵月白帶香殘丹氣成虹
爐存火煉進麝脯之新奇集龍根之宛轉冰桃鬪瓜棗
之筵銀瓮錫葡萄之燕又何必慕弱水之二神此塵世
之所常羨也鍾其精英發為人傑其方平重厚故為人
也沈毅而富才峭直孤高故為人也磊落而多節遠而

九仙曄爾之名近則八祖森乎其列故孔梅沈謝之羣
流歷秦漢唐宋而烜赫訪遺跡則魏氏之瑤臺何君之
石竅臺聳東華亦谷之奇谷隱彤霞丹陽之奧箱峰蔓
草之似袍墨沼寒藤之學草劉通慕仙錄於徒間夏禹
惜神標之未造涪翁僅吟於彷彿叔夜敢侔於醉倒逮
及累朝舉由其道銀鈎賜金榜之鏤題寶篆降御爐於
恩詔信為古今之名山非遯世延年者莫能到也言未
卒先生乃欣然而笑曰子誠知管晏之齊人識昭襄之

秦客但誇夫山川之為美而不知河山之帶礪也觀宮
室之為盛而不知兩都之舊制也羨木石鳥獸之同羣
而不知斯人之為貴也慕辟穀延年之可尚而不知所
惡有甚於死也夫達人之大觀曾何足以芥蒂雖殺身
以成仁真不亡而曰在且夫大人物我本同橐籥聚則
成形散歸寥廓高為星辰低為河嶽故箕尾墜而傳說
亡尼山禱而聖人作二伯生而崧嶽降其神靈三蘇出
而蒼山為之蕭索相業應乎旁求王迹寓乎筆削為藩

翰於西周著文章於東洛是皆保海內之安危兼天下
之憂樂豈效乎沒世無聞但忘情於丘壑且子不聞蓬
萊方壺遠則遠矣而樓船之樂未返瀉池之壁已遺塋
臺井榦高則高矣而茂陵之石馬無聲柏梁之金人有
烈是二君者今安在哉今欲與子窺九嶷登太行上會
稽探禹穴泝崑崙觀澥渤追太史之奇蹤繼前人之遺
烈挽壯士之天河洗中原之戰血然後對禮樂於丹墀
進輿圖於金闕則下視玉筍之山者曾何足比於一髮

也哉誕叟聞斯言也狼顧鼠拱莫知所措夕陽今在山
碧雲兮欲暮余乃拾銅雀於殘烟分玉蟾於墜露倚桂
樹之秋杳遂登高而作賦

茶山賦

有序

明
梁亭表

茶山埔陽之鎮也余以甲戌秋浪跡於茲讀書山麓生
事磊砢客况蕭條骨肉遠離親友契闊居平悵悵不得
志又為衿履牽人不獲遽引去每於淒雨寒霜之候春
回臘盡之交環視此山溟濛軋沕抑鬱而誰與語假寐

而帳寤言倉兄填兮顧而自憐遂為之賦以寫其懷辭
曰


邇峻嶺高跨屬城接陵巖於閩嶠連島嶼於韓亭陰
那峙其雄鎮九峻固其關局瞰靖漳之通浦列廬肆於
郊坰削芙蓉兮岵嶺環樾廕兮鬱青登礪壘兮歲魁野
蓊蓊兮清泠間登躡而睇望兮慨愁抱之叢生當其閉
閣炊藜下帷揆藻佇玄覽於縹緗頤情志於講討抽汲
冢之秘笈叩西巖之鴻寶已乃覲岫幌之騷屑望雲關

之槁蓀雜松濤於散樗混瀑布於流潦淒鵲泣於叢枝
哀猿嘯於豐草莫不令人慨虞卿之窮愁歎馮唐之衰
老顧我心以憂傷胡愁焉其如擣若夫潘江研想陸海
抽思層雲聯翩於浮藻重淵怫悅於沈辭始燥吻而躑
躑或濡翰之遲疑亦復苦螫螭之嘈雜溷魑魍之號悲
草妖木怪兮淅瀝牛神蛇鬼兮紛紛披或獬獬之蠹齧或
雷雨之飈飈心荆榛以歷亂筆苦澀而離歧矧挈瓶之
小器患仰屋於落暉或有載酒憑高班荆布席選茵草

以趺坐望坻崿而杖策陰偃蓋兮飛觴挂疎簞兮岸幘
乃有餘僂碑磷跽蹠前却牽蘿爲之幕歷叢棘榛而
布刺破履霜之芒屨敝拾級之蠟屐顧徑馵之崑崙若
歸途之躑躅怪哉茲山恍惚萬狀從麓陟巔窮形盡相
憑楹軒而騁目兮塵冥離而頻憂病在焉之吟越兮悵
王粲之登樓聽鳴林之瀏飈兮嗟蟲蠹之喧啾照繁節
之蒸氾兮痛搖落於莓收苦長羸之蒸伏兮歎窮陰之
慘愁惟四氣之弗變兮胡荏苒而淹留懷故土之修迥兮

洵顯敞而寡仇披墳衍之廣路兮臨阜隰之長洲陟雲
山之截薛兮據嶺嶠之上游萃冠珮於韋曲兮服序鐫
於西疇繫余生之愚矇兮幼翱翔於崑圃步薰蕕之芳
塵兮望騷雅之鉦鼓綴下里而濟偉兮敢希蹤於繡虎
廢車廐於屈楚兮類陶器之苦窳馳燕越之函鐫兮枳
棘鍛其儀羽黃鵠俟其速耦兮禹實資其金庾洵僻土
之難淹兮慚闌茸之比數步棲遲以徙倚兮望遠迤於
南浦情眷眷而北征兮將驅車而出祖悵盤桓於胸臆

分假高衢於茲土



御定歷代賦彙補遺卷二